





叢林雜俎 義集

彤管

孝慈皇高后無子

安妃姚氏

宮人戴氏書

沈瓊蓮

恭恪惠榮和靖皇貴妃鄭氏

端氏

孝節烈皇后

孺人范氏

妙錦皇姑

何夫人紫金掠

金灑出妻

會稽范氏二女

項襄毅胡婦

婦人生鬚

女化男

貞女節婦解

葬婢再生

張安人樞白花



韓烈婦

秦昭奴

陳氏遣荒詩

吳江張烈婦

錢塘劉氏女

命婦能詩

文婢

義妓陳氏

蕪州義姬

難婦

秦良玉

忠順夫人書

彤管志餘

志怪

技餘

石續

鄧雲翁種牙方

張雷王八十

牟康氏

萬曆末方士

蔡鼎

述鄭公校錄本

薄子珏

柳敬亭張南坦二傳

土司

雲南

貴州

空玄

佛說

阿羅漢

阿育王舍利子

達磨遺像

宋濂前生書華嚴經

藏經

觀音夢感經

佛牙

寶金和尚

僧娶妻室

智慧菩薩

達觀和尚

慈山和尚

關頭陀



密雲和尚

僧大香反史詩

僧佛日送雲

祖師像

像不惹塵

求履僧

僧誑

張真人印劍

神樂觀歲給

張三丰

桃林老道人

道人題壁

張福

馬自然求載通志

高古峯

呂仙自序

道士火遁

麻城道士

荀道人

天主教明教附

炯鑿

述鄭公校錄本

柄相末路

矜炫

矯偽

貪暴

匿喪

侵地

豪橫

黠猾

奢侈

纖音

偏嗜

淫蕩

凶逆

緯候

五行

雄日

子日

上戊壬丁

制日伐日

五春



上巳

黃梅雨

火節

中秋十六日

市日

朔望行香

天門

月

風

二雨辨

雀錫

雷

江南二十八景

日本小曆

男產

人疴

雞腹小兒

飛蓆

大明門黑氣

鳳陽鼓樓

集異

述鄭公校錄本

名勝

石經山石經

金窰山朱書

二郎神石彈

石鏡山

陰陵山

齊雲山善惡

天台山仙女

仙居山蝌蚪篆

玉華山

雲黃山

伏龍山

玉泉山

孔子山

太山

成山

青山

東浮山

羅浮山

銅鼓山

金陵岡



飛來峰

回鴈峯

六真洞

燕子洞

燕子岩

七盤坡

鷺公坡

檀兒崖

四道三谷

大庾嶺

仙人籬

天花里

永義鄉

仙義鄉

荒糧墩

沁雪石

憂懼石

中丞石

棗陽石

望夫石

天涯海角石

雙魚石

述鄭公校錄本

文石

僧化石

鳳凰石

閑索石

松化石

石箭

石木魚

石樹

石田

水晶營

地鏡水影

五色土

甜土

田名

里牛

苧蘿村

佛蹟

佛光

城郭氣

古赤壁

劉炳文海舟紀程

東林雜俎義集

名勝

五



述鄭公校錄本

棗林雜俎義集

益官談遷孺木著

彤管

孝慈高皇后無子

孝陵享殿 太祖高皇帝高皇后南向左淑妃李氏生，懿文

皇太子秦愍王晉恭王次皇 妃 氏生楚王魯王代王郢王

齊王谷王唐王伊王潭王又次皇貴妃 氏生湘王肅王韓王

瀋王又次皇貴人 氏生遼王又次皇美人 氏生寧王安王

俱東列碩妃生 成祖天皇帝獨西列見南京太常寺志 孝

陵閭人俱云 孝慈皇高后無子具如志中而王弇州先王最

博核其集中同姓諸王表自 懿文 成祖外秦愍王棟 晉恭



王桐周定王榘俱母 高皇后楚昭王榘母昭敬太充妃胡氏  
齊庶人榘母定妃達氏潭王榘俱達氏出趙王杞母氏魯荒  
王禮母寧妃郭氏蜀獻王榘代簡王桂谷庶人榘俱母惠妃郭  
氏湘獻王榘母順妃胡氏肅莊王榘母 妃郎氏遼簡王 植母  
妃韓氏慶靖王榘母 妃余氏寧獻王榘母 妃楊氏岷莊  
王榘母 妃周氏韓憲王松母 妃周氏藩簡王榘母貴妃趙  
氏安惠王榘母 妃氏唐定王 榘母賢妃李氏郢靖王榘母  
惠妃劉氏伊厲王榘母麗妃葛氏吾學編諸書俱同抑未考南  
京太常志耶享殿配位出自宸斷相傳必有確據故志之不少  
諱而微與玉牒牴牾誠不知其詳或曰宋史杜太后生邕王光  
濟太祖太宗秦王廷美夔王光贊而廷美傳云母陳国夫人耿

述鄭公校錄本

氏非杜太后也鴉鳩之德均愛七子可以知 高皇后矣 高  
皇后無子可諱他王母以諸書及太常寺之志較之多不合楚  
魯代郢齊谷唐伊潭九王同母亦奇 高皇后遺履藏奉先殿  
修 寸組雙鳳首綴大珠歲六月六日曝之

女官黃惟德南海人洪武卅年選入宮命為司寶初名阿妹永  
樂初賜今名信任益隆宣德七年乞骸南歸 皇太后命留及  
為詩賜之皇明列聖御寰宇偉烈弘謨冠千古重惟仁化本家  
邦內廷百職需賢良咨爾惟德女中士自少從容知禮義一從  
應召入皇宮夙夜孜、勤乃事昔時黑髮今如霜歲月悠、老  
將至九重聖主天地仁欲賜萬物同陽春體茲德意賜歸去乃  
心感激情忻、嶺海迢遞千萬里潞河官棹春風裡賜衣宮錦



溢光輝親戚相迎人搃喜、爾富貴歸故鄉我心念爾恆不忘  
綵筆題詩意難盡目極天南去鴈翔其姪女即大學士梁儲母  
也亦累贈至一品夫人同時有葉女官者番禺人少有淑質通  
列女傳洪武廿四年聞其孝敬選入宮擢為女官因召其父碧  
山弟祖道詣闕賜宴俱授錦衣衛鎮撫賚以幣復其家又有王  
司綵者番禺人永樂二年選入宮為女官時年少權妃方見幸  
特推同輩之愛國辭曰臣妾娶婦也安敢充下陳哉 上重之  
從其意司綵有文學能詩蓋宋昭容之流而持操過之所作宮  
詞至今人猶傳誦

洪武廿年詔選民間淑女入宮分司陳六尚番禺陳二妹字瑞  
貞仲裕女也貌端莊與馬入見使並尚六事陳善六書曉大義

述鄭公校錄本

精女工嬪嬙皆師事之人稱為女中君子二十四年命為司綵  
賜歸省仍給祿眷甚家閭範嚴肅人罕見其面有司候饋皆辭  
卻之 文皇即位以司綵熟知典故召復原職年四十以病終  
于官遣中使護喪歸葬

永樂中賢妃權氏順妃任氏昭儀季氏婕妤呂氏美人崔氏俱  
朝鮮國王李芳遠所進權妃穠粹善吹玉簫見幸永樂八年從  
征還至臨城薨謚恭獻芳遠驛送妃父永均至食光祿大夫祿  
尋遣歸正德中卒賻賜有嘉白金米布權妃薨時後司綵王氏  
作宮詞瓊花移入大明宮猗旒濃香韻晚風贏得君王留步輦  
玉簫嘹唳月明中蓋指權妃也

安妃姚氏



憲庶安妃姚氏嘉興人家貧習緝緝貿市目無忤視嘗盥見饋  
水中有日月雲霞五色扇夾挾甚怪之應選入宮髮素種不  
盈尺登舟過平望一夕髮長委地今地名曰八尺後進位安妃  
生壽王妃弟福圓拜錦衣衛指揮同知子錦孫承勛累蔭千戶  
嘉興府志今秀水太子太保工部尚書姚思仁即姚妃後按宋  
陸游入蜀記過平望二十里曰八尺則前說殊謬且麗人之選  
法必應圖玄夷之髮其光可鑑安事種之為也

宮人戴氏書

戴氏湯溪人選侍坤寧宮三見御弘治十年太監竈某來縣宮  
人手書寄問母弟安否離別思憶之情悽然滿紙今其書具存  
并有宮中小畫等物

湯溪縣志

述鄭世校錄本

沈瓊蓮

弘治間女學士沈瓊蓮字瑩中烏程人寄兄詩疎明星斗夜珊  
珊玉貌花容列女官風遮鳳凰天樂近雪殘鳩鵲曉樓寒昭儀  
引駕臨丹宸尚寢薰衣燕紫檀肅六宮懸象魏春風前殿想  
鳴鳶又宮詞十首

香霧濛濛二罩碧窻青燈的二燦銀缸內人何處教吹管驚起庭  
前鶴一隻

倦把青絨繡紫紗閣針時復卜燈花明朝太后長生誕可有恩  
波徧及麼

豈菴花封小字絨寄聲千里落雲帆一春從不尋芳去高疊香  
羅舊賜衫



天子龍樓瞥見粧芙蓉團殿賜羅裳水風涼好向西坐專把書  
經教小玉  
曉臨鸞鏡照梳粧高髻新興一尺長花影鎖窓人下直開籠自  
放雪衣娘

明窓棊几淨爐薰閒閱仙書小篆文畫永簾春寂  
碧桃花映  
石榴裙

海東青放度遼烟天上群鵝得自專勅諭鷹房高索價聖王廿  
載絕游畋

御柳青  
燕子愁萬條齊水弄春柔東風不與閒人贈誰去江  
南  
洲

尚儀引見近龍床御筆親題墨瀟香幸得唱名居第一沐恩舞

述鄭公校錄本

蹈謝君王

翠絲盤袖紫羅襦偷把黃金小帶舒中使傳宣光祿宴內家學  
士作新除

右沈氏董穀碧里雜存載其一云送弟溥又悞為周氏吳興藝  
文補載藝文八首

恭恪惠榮和靖皇貴妃鄭氏

鄭貴妃父承憲貧甚以女許孝廉某為某妾臨別悲慟孝廉聞  
之遣還不責聘鄭感甚脫隻履予孝廉矢報已入宮大得幸念  
前事忘其名命小璫售隻履于市索直若干無應者時孝廉計  
偕聞而往合其履妃泣告於上非若人妾不及報巾櫛矣亡  
何孝廉謁選得善地歷益運使張道濬說貴妃生福王常



洵有如意之愛 上書其名於金盒屬妃藏之約他日東宮之徵也辛丑十月 皇長子受冊東宮貴妃不懌持盒泣訴上啟之書字俱蝕嘆曰此天也 錢塞庵相國記

端氏

天啓初選宮南都以於氏端氏應並入內偶啖麵端氏一箸於氏再箸嫌其贖出之於氏尤妍麗

孝節貞肅恭莊毅烈皇后周氏

周皇后父奎寓京師奎微時寄食為人筦庫元配生子鑑繼丁氏生子某某及后後蔭中宮以鑑從長不許初 信王選婚終安布素雖得袷服念其父貧輒資之初不意閔睢之咏也既信郎入正大位 后生 東宮及定王貴妃田氏生永王悼靈

述鄭益校錄本

王貴妃漸寵謀奪嫡一日永和宮婢

於金狻猊下悞觸定

王 田氏居永和宮

中宮弗善也

上嘗召貴妃、例御鳳輿小

璫昇之是日昇以宮婢

上問故曰小璫多恣肆無狀問其實

聞曰坤寧宮小璫狎宮婢故遠之耳 上色動即搜其處大得

狎具蓋宮人各侶其璫所謂對兒也 上驟怒立譴諸小璫司

禮太監

請少寬之如三殿下何小璫某年十八美姿制

時傳中宮命於外家幸不值 中宮因懟恨成疾嘔血有老宮

人謂曰田氏宮中獨無對兒乎亦可搜也果大得狎具 上疑

始釋都督田弘遇聞之大恐嗾貴妃上章引咎 上意解令省

誓例閉中門從旁出且以章示中宮示無嫌也其章出御史湖

南劉興祥筆蓋弘遇所囑云貴妃省誓亦屢矣壬午貴妃薨明



春弘遇進其少女年十三見寵欲即進封司禮太監某言貴妃以選入非外進也乃止賜珠簾等有差亂後走天津珠簾猶存今為朝士某妾

崇禎庚辰上因皇五子之變特命各郡縣崇祀九天仙母廟以上供宮闈

### 孺人范氏

臨江府志范氏清江人博通經史洪武初召為女使授孺人為宮中姆師一日高皇后問前代何后最賢家法何代最正對曰惟趙宋諸后多賢家法最正命錄進更誦聽之凡降內制多范為定詔賜歸老於家

### 翁氏女女師

述鄭坐校錄本

晉江御史翁慶巡按四川不避權貴又勅往武當山獻玄武神眼珠賜一品服亡何坐累下獄慶無子長女詣闕上書請代仁孝皇后召入宮留之三月為宮中女師人以比緹縈

### 林淑圓

莆田林淑圓按察使林時之女時觀政刑部坐累下獄發北京營建淑圓年七歲擊登聞鼓訴冤仁廟監國矜其幼飯之釋時從任陝西到左臂和粥愈母疾長嫁西安左衛指揮使費銘年七十

### 妙錦皇姑

徐中山達第三女妙錦文皇帝欲娶為繼后女不可因不嫁人為尼嘗論革除事謂建文君當坐殿上以待燕王至苟



不讓則死之何必自焚竄每語遜國事未嘗不痛哭也

玄君

正一真人張氏母妻封玄君

何夫人紫金掠

左軍左都督何文輝夫人豐氏嘗入內呼為媳婦賜紫金掠一  
个玉響杯一隻王掠髮釵一副至今為家寶紫金掠溫潤水蛇  
毒將此掠水解毒點記文輝子儀 衛指揮使

郭真順

郭真順潮陽人適周伯玉明初官兵下嶺南指揮俞良輔征諸  
寨未下者伯玉居溪頭寨真順遮道上詩良輔曰將軍開國之  
武臣早附鳳翼攀龍鱗烟雲慘淡蔽九野半夜捧出扶桑輪前

述鄭公校錄本

年領兵下南粵眼底羣雄盡流血馬蹄帶得淮河水洒向江南  
作晴雲潮陽僻在南海濱十載不斷干戈塵客星移處萬里外  
天子亦念遐方民將軍高名邁千古五營健兒猛如虎輕裘緩  
轡踏地來不減襄陽晉羊祜此時特奉明主恩金印斗大龜龍  
文大開籬衛制方面期以忠義酬明君宣威布德民大悅把菜  
一莖誰能奪黃犢春耕萬壠雲霓龍夜卧千秋月去歲壺陽戍  
守時下車愛兒如愛兒壺山蒼、壺水碧、至今歌咏之欲為  
將軍紀勒績天家自有麒麟筆願為壺氏歌太平磨崖勒盡韓  
山石良輔覽大悅一寨得全

金濂出妻

戶部尚書金濂妻董氏永樂七年妻兄董英瞰其在學讀書盜



其家物後濂貴知搜得出官械英決斷妻亦遣嫁

會稽范氏二女

會稽范氏二女居賀家湖至統七年生好讀書娣適江氏匝月而寡次許傅氏傅天二女并志別業垣圍其室并田十畝種穫有時父率傭以入否則閉戶相對引溝灌田凡三十年共卜葬止水墩以遺產祠之今過者遺穢輒得崇 會稽縣志

項襄毅胡婦

項襄毅大司馬忠初以刑部員外郎從駕土木陷中餉馬與胡婦善挾而南走四晝夜食盡胡婦度不兩活乃併糧自殺項得入宣府後祀婦家廟

婦人生鬚

述鄭公校錄本

弘治六年五月應山人張本華婦崔氏生鬚長三寸見寔錄

嘉靖癸丑青浦魁魁鎮有婦人忽生鬚鬚時縣差以事驟揖其夫從壁間窺之以為男也夫亦無獲携婦以歸邑市聚觀甚眾

明年遂有倭變 青浦縣志

萬曆二十一年嘉興包彥平館華亭余塘宋氏其隣侍姬鬚長五六寸二十餘莖時年六十自三十三歲始生鬚拔去仍出至五十歲而止 包彥平集

女化男

正德七年平涼府太平橋下女子高四姐儼予故廬居化為男子生鬚名高雷今六十餘有二子 趙時春平涼府志

崇禎戊辰華亭莫氏女化為男子遂儒服裹中庚午嘉興屠用



明見於陳眉公座上既去眉公指之曰此即莫氏女變男者

### 貞女節婦解

靜寧州曹氏聘于王守仁未嫁而守仁死曹氏聞之慟哭不食遂縊死趙中丞時春駁曰在家從父女與未婚之夫胡死哉自經溝瀆耳作貞女節婦解 未娶曰士未嫁曰女士納采女家受之氏名通焉曰聘未有夫<sup>婦也</sup>奠雁女家受之父命之東階母命之惟庶母及門內施鞶申之以父母之命姆奉登車士御輪焉先歸而待諸里門至則揖以入共牢而食合卺而醕成昏禮焉故曰夫婦始易士女之名也婚昏也陰陽交際之時人道取焉是同生死故婦從一而終曰節曰也聘而未嫁非婚也女非婦也待姆而行不踰閭闔以順父母故曰貞貞者順正而固

述鄭公校錄本

也女德也故婚姻之禮不脩則貞女不行、則非貞矣士未迎父母未命姆弗待也而奔以哭士而事其親于律無服而強持服聞哀生於情、生於礼此之何禮而于士何情也不脩礼而行謂之奔廢奔婦則逆義違親命則傷孝是宜為國大禁今取之而與節婦同論甚非禮也故曰大不可

按浚谷先生持論太苛予傷曹氏之志語曰臨水可脫臨文不活特錄其文以告淑媛母俾曹氏重枉也

### 葬婢再生

嘉靖初南充劉氏婢公女父嬖之母妬臨葬推入之三年後葬母開穴公女伏棺上不死出言與其父處如恒時若夢中無少苦



張安人柩白花

泉州張守化贈君婦陳安人卒棺之前和發白花重樓數朵高  
大可半尺香如蓮

韓烈婦

萬曆庚寅五月癸亥德州韓承業婦王氏殉節初承業沒戊子  
孟夏誓殉之七日不食姑強之食糜遂絕蓋茹每晨哭燃香誦  
佛不絕聲居二載忽治葬留偈几上趺坐室在戒人無近俄口  
出火下垂色白如輕雲鼻流玉筋良久火徧體金色熾至數丈  
光達數十里而香火盡遺骨如生所坐土結蓮花千朵事聞撫  
按為立祠表門

秦昭奴

述鄭公校錄本

定遠合肥間有亭曰響道旅唐店之東房萬曆末秦昭奴題詩  
二首序曰妾奉燕人初依表兄李內官處撫育教訓頗習詩史  
年十八嫁為江南士人側室雖愛有所鍾而分制於嫡春燈秋  
月獨宿多愁長途旅館孤衾更慘夜深滴泪和墨成吟亦以寫  
斯幽怨云爾 逐日一程又一程風沙拂面鬢雲輕鴛央有伴  
非吾伴愁向孤衾數漏聲 其一 日日長途馬上塵佳人薄命怨  
青春小星千古真賢淑坐對寒衾泪滿巾 其二 後書秦昭奴記  
時某年月日也跋曰昔王昭君適胡曹大家能文而寡妾文不  
逮曹而境未適胡而有夫無夫咫尺胡越意頗似之用取小字  
以識深愁後之文人君子倘憐而表章之君施恩不酬妾感且  
不朽昭奴又記 燕人霖南榮集



陳氏遣荒詩

萬曆戊子金陵娶婦陳氏作遣荒詩年來水旱作災屯疾疫家  
家盡掩門兒女莫嫌全食粥眼前亦天恩

吳江張烈婦

吳江諸生張士柏娶沙溪陳俊女士柏夭遺女三歲其兄士松  
利婦產以鄉人徐洪義子張程字之婦不聽乙亥十二月既朔  
群党夜突入脅婦往死拒之不克士柏從孫女故適徐氏因迎  
於家越六日陳訴縣侯德清章日灼杖其媒徐義以婦爭  
之強刑其指拳曲不受遂固婦謂在徐洪宅連夕無可白也已  
婦出獄忿甚丙子三月訴按臺不得理四月既朔訴醮臺于松  
江醮臺欲下吳江令婦計迫即自刎郡人義之厝東禪寺旁道

述鄭公校錄本

祭相望日灼竟憂死徐洪等各伏罪

錢塘劉氏女

錢塘江澣劉元輔女字諸生吳嘉諫未行年十九夜嘗度簫隣  
人張阿官故亡賴聞聲依和又偵女貌夜躍上樓穴窻偏女  
大呼賊元輔驚起繫阿官髡之未及旦阿官兄子養忠知其故  
糾党斬門且鳴金號于衆曰元輔寔以女張而又竄之女聞之  
大恚自經訟于郡守光山劉夢謙而阿官謀于訟師丁玉蘭賂  
元輔以元女承污則罪不死郡守疑之陰訪其女故潔得元輔  
私狀阿官論如律初嘉諫弔其女剃眉投盂水中不散謂處子  
也拊屍大慟而丁玉蘭忽白畫畫見女自搏叩頭立死上虞倪  
尚書元璐傳劉氏不言善簫



命婦能詩

福清林鴻官膳部郎中婦朱氏能詩嘗作詩勗鴻年十九卒鴻終身不娶

仁和陳德懿南康守敏政女適都御史李昂通達往典尤工詩詞有集四卷

當塗邵賽貞國子監子丞濮婦封孺人博學能詩有士齋集三卷子韶弘治丙辰進士官編脩

仁和楊文纒工部員外郎應麟女為餘姚孫陞繼室能詩子銓編修滿封夫人詩稿附文恪公集行世

武定橋烈婦

永樂初誅建文遺臣以妻女發教坊配象奴有一婦題詩帶間

述鄭公校錄本

赴武定橋河死詩曰不忍將身配象奴手提麥飯祭亡夫今朝武定橋頭死要使清帝都或曰此松江謝氏婦也

華亭王鳳嫺進士張本嘉妻本嘉知宜春卒官艱辛自誓撫其子女開舉於鄉為懷慶同知封孺人有焚餘草雙燕遺音行世

上元倪岳冢宰婦氏有集

翰林陳沂繼室馬閒卿能詩書法蘓長公善山水白描橫幅年近八旬不廢吟咏有芝居集

楚女畹蘭和新嘉驛女子詩二首驛舍題詩今尚存斷烟荒艸鎖重門多情況有千秋月夜、墻頭照墨痕碎壁沉珠最可

憐牆頭題恨墨猶鮮妖魂欲問歸何處不化鴛鴦作杜鵑鄞縣陳東官河南提學副使婦董氏少宰玘之女能詩凡后



岡稿成轉共評定今董氏詩不傳

吳江沈宜修字宛君副使沈琬之女工部郎中葉紹袁妻生三女其仲季蕙綢小鸞並工文墨中庭之咏不減謝家嬌女之篇有逾左氏二女並未字而天宜修亦早世紹袁彙所著曰午夢堂集行世

吳縣范允臨官福建叅議婦徐媛字小淑工詩文有絡緯集

三水文氏翔鳳之娣適葛 有君子亭詩賦三百餘首手抄書

六十卷少寡自誓作九騷九篇詞義典雅稱其風烈

三水文翔鳳婦武氏粗識字翔鳳稱其能詩有文武合刻武恭人汲繼鄧氏翔鳳齒踰艾婚夕翔鳳大書顏鸞倒鳳于室中鄧氏能詩甲戌翔鳳得風疾壬午春卒甲申鄧氏事李自成今没入

述鄭坐校錄本

范文程家

麻城王鉉龍御史鳳韶女適劉守蒙十一年守蒙天忍死事姑誓不踰閭父疾篤欲見之不歸寧也少讀書過目輒誦老而詩益工年七十九目不見字猶使甥輩讀書坐側聽之李贄倡龍潭菴高設佛乘風動四方鉉龍獨不往欲索寸札酬荅亦不許其春日詩桃花暮雨烟中閣燕子春風月下樓幽閨永夜燈前泪孤枕頻年夢裏愁秋月詩霜飛衾薄紅綿冷雲斂天高綠樹寒病起詩對鏡面黃如菜色看書目眩似花生

海寧朱淑貞尚寶卿祚之女適周濟官光澤教諭幼聰穎博極羣書年八十卒有靜庵集十卷

桐城張秉文官山東布政使婦方孟式字如耀能詩庚辰濟南



隋秉文死之孟式投池中以殉少讀書有婦德有紉蘭閣前後集八卷

鄞縣金文貞適王子登進士官副都御史封太淑人有蘭

莊詩集

漳浦黃道周官禮部尚書氏工文翰

朝邑屈安人適韓邦靖詩文唱和如良友邦靖早世安人後十四年而沒有女異上書康海乞叙其母詩從之

女士

太倉薄少君庠生沈承妻承有雋才而天少君哭詩百首踰年值忌辰酌酒一慟而絕

天台貢士裴致中妻潘氏號碧天道人有碧天稿其題桃源洞

述鄭公校錄本

曰千年老樹萬年山洞口仙娥自玉顏劉阮當時那得見浪傳

浮跡在人間其一天接青山路萬重仙家洞口白雲通聽殘一

夜溪頭雨流出桃花幾片紅其二

黃安人遂寧人尚書珂之女為修撰楊慎繼室戍滇南博通經史工筆札携之戍滇南後慎奔父喪安人留于蜀應家閨門肅貌詩不多作慎有詩答婦又別和三詞皆不及也

寄夫詩

雁詩曾不到衡陽錦字何由寄永昌三春花柳妾薄命六詔風烟君斷腸曰歸曰歸愁歲暮其雨其雨怨朝陽相聞空有刀環約何日金雞不夜郎

黃鶯兒詞

東林雜俎義集

彤管

十五



積雨釀春寒見繁花樹々殘泥塗滿眼登臨倦江流幾灣雲山  
幾盤天涯極目空腸斷寄書難無情征雁飛不到滇南  
劉雪瓊山西臨縣人孝廉趙紹之妻有水雲居詩自署曰離石  
檻花居士

莆田黃幼蒸字漢宮蘓州同知儀之女遣林恭卿沉静知礼舅  
歿竭力奉姑所居不蔽風雨近戚罕面年三十九所著有柳絮

編

蘭溪舒大猷萬曆

貢士婦陸靜專工小詞以脂筆書字落

紅滿紙

閩縣儒士鄭坦妻鄧鈴字德和坦卒封雙耳自誓詔旌其門萬  
曆中嗣子雲鎬貴贈宜人有風教錄

述鄭鈺校錄本

山陰王素娥能詩文善女紅適胡節々死于燕娥誓無他志年  
四十一卒

陸卿子吳人尚寶卿司道之女適太倉趙宦光宦光棄家廬墓  
與卿子偕隱寒山卿子能文詩有雲卧閣考槃立芝諸集  
李玉英錦衣千戶李英女父死弟承祖幼繼母焦氏有子謀奪  
廕毒殺承祖出其妹桂英而誣玉英以奸指其送春別燕二詩  
為左論死玉英奏辨世宗察其枉得釋

文侍

吳人陳寬孟賢侍姬曰梅花居士掌文墨

華亭王一鵬訓導善畫居柳上俱侍姬供筆墨

直閣尚書

張天駿有素衣

善書



金陵史忠癡翁侍姬何玉仙能書繪解音律號白雲道人  
閩人周玉簫武弁方輿妾輿上議撫紅夷忤大帥係獄七年遣  
玉簫玉簫誓死不去及事解詣闕遇國變又不得歸玉簫感慕  
痛歿有詩一百三十首行世

姒內

都督蕭如薰夫人楊氏才而妬無子不容納適如薰與長安張  
生善言及嗣息悵然曰吾殆絕矣張曰將軍當置別館於此從  
之果得子補諸生娶婦楊夫人尚不知也

義伎陳氏

萬曆乙卯楚掾某狎姑蘇妓陳氏傾囊姆厭之陳私留掾身託  
疾他避求里中豪貸掾得嫁之而所携囊頗饒毫不累掾也婦

述鄭公校錄本

楚後同掾謁選北道鄱陽湖同舟徽人窺陳色藝間許掾千金  
掾以情告陳：嘆曰君裝薄果進其千金可耳俄千金具別掾  
更登徽人舟望掾帆發漸不復見拊膺嗟喟投水死明年掾還  
渡湖中感陳設祭俄風晦舟沒

蘇州義姬

蘇州姬某乙酉國變語所善客以死事俱狎爰之中秋買棹召  
客泛太湖皎月空明觴鷓首甚適忽顧影感嘆置觴投深流處  
不及救

難婦

不西雙蛾向碧紗誰能馬上撥琵琶驛亭空有歸家夢驚破啼  
殺有夜茄 其一 日日牛車道路賒徧身塵土向天涯不因薄命



生多恨青塚啼鵑怨漢家其二驚傳縣吏點名頻一一分明漢

語真世上無如男子好看他髡禿也驕人後跋云吳中羈婦趙

雪華題在郊城縣李家莊旗亭壁間宮人廣陵張氏過崇德縣

石門鎮題壁四首或云投河死身隨劫數從奴虜愁聽胡笳

教可哀柔腸已似如針刺况值蕭蕭夜雨來其一深閨日日效

鸞皇忽被干戈出西堂弱質那經雁虎口可憐魂夢繞家鄉其二

繡鞋脫却換宮鞋女易男妝寔可嗟扶上玉鞍愁不穩泪痕空

逐馬蹄餘其三車騎轉野店來憐我故鄉

生死別花枝已向別園栽其四

妾本虎林女也所逢不淑再罹干戈臘月甚寒挾之北上終日

坐破車中噀之筋骨欲脫寒風慘烈塵沙眯目塞馬悲鳴淒其

述鄭公校錄本

欲絕真蔡琰車中明妃馬上所不能彷彿者幾欲自經念妾本

良家流落至此曾與魏里曹生訂終身交子願才士必不棄予

死之無名何如忍以相待已復念此乃又強食偶從將士閱省

錄知曹郎已鄉薦旦夕公車至此恐謂妾已死遂爾捐棄故乘

暇寫書此詩令知薄命妾猶然西湖月下心也念妾與曹郎晤

時六橋明月十里湖山澄波渺然萬籟蕭寂妾吹簫忽悲泣曹

郎奉酒醜天曰勿憂終當貯汝以金屋妾改顏謝曰無媒妁何

以先是曹郎嘗懷一扇妾甚愛其扇上詩為桐山方生名玄成

者作有云蒼壁倚干尋空江自古今浪翻丹合廟枕碧流深

等句妾賞其壯涼高逸是時曹郎即出此扇曰汝佳此人詩此

人我好友海內名士即以爲媒妁可乎妾拜受之至今教濱死



不去袖中又聞此生亦登鄉荐倘曹郎不及見此萬一桐山生  
寓目焉謂妾尚存亦不負當日以骨長公待先生意也西湖薄  
命妾宗娟和泪書 風動空江羯鼓催降旗颼颼鳳城開將軍  
戰死君王繫薄命紅顏馬上來其一 廣陌塵沙滿鬢鴉北風吹  
雨落鉛華可憐明月墜篔引幾度穹廬伴暮笳 其二 春風如綉  
綺如烟良夜知心西閣眠今日相思渾似夢算來可恨是蒼天  
其三 盈、十五破瓜初也作明妃別故廬誰散千金效孟德鏤  
黃旗下贖文姝其四 南莊勝處妾常憶借問軒車早晚游美景  
難忘竹廊下好風爭奈柳橋頭 其五 水消見水多于地雪霽看  
山盡入樓若待春深始同賞鶯殘花落却堪愁 其六 妾命如朔  
風飄然振落葉不入郎羅幃乃逐塵沙陌妾本良家兒流落平

述鄭公校錄本

康劫十三工秦箏十五好筆墨樽前柔歌聲泪濕江州褶人謂  
妾顏好妾謂多生孽武林遇曹郎心知不徒說忽爾天地崩遂  
令山川別一為俗子羈再為干戈繼噫：大車中塵土滿鬢髻  
又 猗那一羊裘斂肌冷如鉄晝則強歡笑夜則潛哽咽誰為文  
姬哀文姬猶返闕誰為明妃怨猶得封馬鬣而我薄命人終當  
染燐血所不即就死心為曹郎結曹郎尔多情豈忘西湖月曹  
郎爾多智豈不諒我節曹郎爾任俠忍妾委虎穴曹郎爾多交  
交豈無豪傑媒妁扇上詩顛沛不忍撤忍死一相待悲酸難再  
說又聞桐山生風流當世傑爾既善曹郎何不一救妾  
丙戌秋金華陷婦某俘入杭州行營庚寅六月其夫跡之以五  
十金贖不許通至百五十金終不許婦凝泪語其夫曰第藏其



金天下多<sup>好</sup>何婦我為其人益至二百金終不許婦乘閒引刀自  
刎營卒怒剖腹搗其陰俄雷震死

新樂縣南閔旅壁題曰妾本淮上弱質僻陋而無心戊子遭兵  
燹滿之狂丈夫以我北去壬辰復挾我南征過此偶遇之子盱  
衡之間情溢于露氣幽于蘭嗚呼此誰氏之美也嗟余薄命感  
而賦此 北去南來空自猜編愁為 幾時灰妾心最慕漢天  
子自將單于不敢來 造次相逢若有私目成那復畏人知胸  
中歷歷不然事可得對床說與伊

冬兒

良鄉伎冬兒善南曲入外戚左都督田弘遇家弘遇卒都督劉  
澤清購得之以教諸少四十餘人其最姝麗者登兒也甲申澤

述鄭公校錄本

清欲偵二王存否冬兒請身往田氏探之遂男飾而北知二王  
已絕遂南澤清鎮淮安書佐某無罪殺之收其妻澤清降北虜  
揖政王贈宮女三人皆嘗御者澤清不辭而嬖之也何女內一  
告變揖政王錄其家及所奪書佐之婦澤清供書佐有罪故殺  
之婦明其非罪且云澤清私居冠角巾謂亭若迫不如反耳澤  
清誅冬兒下刑部尚書湯 嘗飲澤清所出有酒故識冬兒  
因曰爾非劉家人遂免籍更嫁吳駿公作臨淮老伎行臨淮將  
軍擅開府不鬪身強鬥歌舞白骨如何弃戰場青娥已自成灰  
土老大猶存一伎師柘杖記得開元譜終轉輕喉便泪流尊前  
訴出漂零苦妾是劉家舊主謳冬兒小字唱梁州翻新水調教  
桃葉撥定鷓鴣絃授莫愁武安當日誇声伎秋娘絕藝傾時世戚



里迎歸金犢車後來轉入臨淮第臨淮游俠起山東帳下銀箏  
小隊紅巧算射棚分西的濃粧毬仗簇花叢縱若房老腰肢在  
若論軍容粉黛工羊侃侍兒能走馬李波小妹解彎弓錦帶輕  
衫嬌結束城南挾彈貪馳逐忽聞金闕起黃塵殺氣轟騰滿川  
陸探騎誰能來薊空聞千里追風足消息無憑訪兩宮兒家出  
入金張屋請為將軍走故都一鞭夜渡黃河宿暗穿敵壘過侯  
家伎堂仍訝調絲竹祿山裨將帶弓刀醉擁如花念奴曲倉卒  
逢人問二王武安妻子相持哭薰天貴勢依柵房不為君王收  
骨肉翻身上馬遇南兵退駐淮陰正拔營寶劍幾曾求死士明  
珠還欲致傾城男兒作健酣杯酒女子無愁出曼鼓可憐西風  
怒吹折山陽樹將軍自撤沿淮戍不惜黃金賄海師西施一舸

述鄭公校錄本

避崩濤急浪大于帆山張帆揆柁無歸處重來海口豎降幡全  
家北過長淮去長淮一去幾時還誤作王侯邸第看收者到門  
停奏伎蕭條西市嘆南冠老婦今年頭搃白淒涼閱盡興亡迹  
已見秋槐落故宮又看春艸生南陌依然絲管對東風坐中尚  
識當時客金谷田園化作塵綠珠子弟更無人相憐只有樓頭  
月長笛鼓欲斷魂

秦良玉

山陰朱爨元搃督雲貴川廣石砮宣撫司女土官秦良玉雅愛  
侃議儻從俱美少年朱公子壽宜訪之酒間微諷良玉笑引南  
宗山陰公主云陛下後宮百數妾惟駙馬一人以荅  
良玉屢勒兵討逆天啓辛酉永寧宣撫司使奢崇明叛据重慶



厚遺良玉求助良玉斬其使提兵進攻多斬獲

忠順夫人書

萬曆十九年七月六日欽封忠順夫人即三娘子上經略總督陳鄭洛書曰蒙差通官韓大友等賚書到帳分付我盡知之回套之事我恨不能即速登程奈因頭畜疲弱不能起身每想老大人宣大都督之日曾受無窮恩典時刻思念惟天可表因兆河失事一節寔首反背皇上洪恩有負大人擡舉將華夷大事一日有失幸蒙大人枉駕河西多承俯就其事乃不幸中之幸也今蒙老大人書諭由扁都經過套恐懼漢夷生事彼此壞名節本上會同吉囊由肅州边外于川底行走已差人稟知四月起身我思肅州边外路途遙遠况老老人在彼多有勞苦

述鄭公校錄本

意要從鎮羌經<sup>過</sup>恥媿不敢開言如肯憐閔暗賜一音我自育主意彼此方便我目前西海之地因為失事致將自我愧未敢計些須之物今備絲銀十兩黃萬望老大人神力轉買各色梭布八十疋茶籠八斗白綾汗巾五十方礪砂二兩硫黃燭硝四兩砂礪十个涼扇十把書柬紙一百張若肯賜發我世世不敢有忘謹具此啓再拜又銀六兩買梭布十疋餘銀買茶大廟堂鄭老先生大人閣下

彤管志餘

彤管自宮闈淑媛外無可述矣義伎難婦非法也蓋傷其志閔其遇耳豈足語風教哉更有流聞似不欲弃併附之以資嗚喙嘉興某善射道山東遇女子單騎行劫接其矢反射之者三女



子呼曰君無相若當下馬少有所語、曰吾聞人多矣願事君  
奉箕帚某從之挈歸作孟子湖暴客久之入燕不返沈天生比  
部嘗識其人

甲申九月友人趙昌齡出杭之湧金門至剩園見題壁云芙蓉  
花發滿堤紅盡道芙蓉勝妾容昨日多從江上過行人何不看  
芙蓉

金陵卞荆璞同母寓武林西湖上作西湖遇雨詩重雲負我買  
名湖博得蒼烟入西園柳去六橋春色斷雨來三竺遠山無滄  
桑变换笙歌歇人事淒涼風月孤我欲才情寄蘓小西陵珍重  
舊時鑪荆璞能書咏第其人不足道見于寄情蘓小矣

志怪

述鄭公校錄本

萬曆庚寅山西隰州有民婦居山中日汲澗水忽聞鳥呼曰山  
要開山要開日呼于耳婦不以為異一日飛集肩上而呼婦歸  
告其夫、曰明日若呼當應之曰開便了果呼果應山旋崩出  
藏經一部皆宋牋繕寫者卷末書興國材興國院造紙墨如新  
聞諸有司散各名山樵李王大同等朝五臺亦隨往捧誦而歸

魏文紳

沙縣魏文紳官知縣善禱雨其術用大蝦蟆一隻作火字四十  
九道納之腹中立壇瘞之山上三日而雨至暴雷震電雨罷于  
瘞所失蝦蟆所在但不敢嘗試一日即龍硤立壇二日夜大雷  
雨天明視之前池水皆涸魚無大小各剖為二文紳惧遂不復  
試



述鄭公校錄本

技餘

石續

東昌某宦牡丹下嘖嘖有聲坎之得物目熒：不食而息曹縣石續曰此視肉古帝王葬中物壙氣見矣止何某公卒充貳守錢某毀桐城壩淫祠像臂流血駭之續曰蝙蝠血也時仲冬收得教斗 曹縣志

鄧雲翁種牙方

嘉靖間閩縣鄧雲翁遇異人得種牙方患者飽食後吞藥七丸復漱末藥湯諸牙立下以生鼠去皮和藥搗爛依牙之序逐枚蘸鼠種于原孔至死堅如少壯或老人牙脫以他牙種之亦如生成



張雷王八十

沁水張雷操術甚秘嘗元夕同友觀燈揚州旦即還舍暑行求瓜濟渴主人不出袖出碎紙俄犬兔相逐斷其蔓主人大悔則呼犬兔子袖瓜蔓如初後遇蛇當徑方呪禁蛇宛轉間瓜角俱出長十餘丈雷擊五死恃術不戒触忌神物也

王八十善召鬼能揖肴酒待客己未嘗沾也或夜致麗人如李夫人帳中所見手之即滅沒所經墟墓言逝者貌飾俱合友某求其術約齋三日俄私脯方符呪被雷震裸灼雪中以友誤我幾譴死卒沁水縣志

牟康民

內江牟康民少年抱異術不知所從授萬曆庚申正月投牒于

述鄭益校錄本

巡按御史黃陂吳之皞云明年辛酉九月蜀變方作方伯朱公能平之今聞其入賀萬壽乞留任待拯以拯我西人其另擇賚捧者方伯朱公蓋右轄山陰燮元也之皞故好數學年十四補諸生高等累奉不第從豫章術士游年四十五聯第至是覽牒異而異之方伯當入賀見之皞于夔州勉留之不得蓋朱母夫人明年八十便道兼壽也之皞嘆曰蜀人無福請後期朱曰今秋入賀訖因歸省明年正月進觴三月當看花錦城矣之皞許之瀕別以叱馭是望明年春朱轉左轄赴蜀出黃陂訪之皞里第時之皞按蜀竣過其里餞朱于郊出康民所投牒授之曰事甚異君至蜀當物色其人而朱未即信迨九月重慶之變亟遣司掾劉養鯤武敬華馳訪康民山中距內江邑三十里茆舍三



楹不受徵第曰有朱使君在何患成都百日之圍可堅守也及  
圍解又徵之辭曰牟生不是今朝人凡警輒驗：叩：輒驗朱  
進巡撫後憂去己巳三月拜提督之命開府黔中康民先寄札  
云使君重莅黔蜀誠地方之幸八月安奢俱靖從此造福十年  
但乙丙年罡星正照燕都仲冬金人內入畿南白骨如麻天下  
漸擾又云燕京壯氣已盡戊寅入大劫倥偬三十五年民不聊  
生丙子十月又札云康民已心厭凡世遠遁深山不復再候明  
年丁丑八月使君剋度不佳當乞休綠野以保餘齡否則戊寅  
之春將返璞還真耳少師疾跡康民不知所往先是巡撫劉漢  
儒奉使何閩中招康民署中補諸生廩食日長臥語多不效乃  
放歸康民自稱又采子所著兵机纂等書

述鄭公校錄本

### 萬曆末方士

孝感程芸閣大司空註云萬曆末值方士京師言萬曆當四十  
七年秦昌一年天啓七年崇禎十八年甲申夏程始述于人第疑  
崇禎差一筭明年五月弘光皇帝出奔甲午都人擁立王之明  
云故 東宮也勅封中城獄神為王仍稱崇禎十八年事尤奇

### 蔡鼎

永春蔡鼎無能諸生也好學易著易蔡等書博通象緯來長安  
出入塞上為大司馬幕府客然不能用也既久之乃南還其友  
人南雄推官泗州黃廷才子壬午預廣東秋闈語同事羅定知  
州上海包爾庚曰聞人蔡鼎近言崇禎曆不十八年國運中絕  
其怪妄如此時並笑之明年癸未秋鼎遊金華時金華令江陰



徐調元合樂饗之演沈紗傳奇見勾踐青衣渡江鼎輒哭徐令  
慰籍曰戲耳先生毋自苦鼎曰事即見之矣欲求青衣渡江可  
復得哉奉族北轅今日之泪珠不能禁徐令退後以請鼎曰予  
燕中望氣三年氣且竭昨歲宿蘆溝橋三夕諦觀天象竟無可  
為洒淚去之金陵有王者氣揚州鎮江多氛祲蕪常杭嘉等耳  
金華禍在不日恐千人不足殘殄也徐公私異之居止何東陽  
許都  
滅數千人明年燕災又明年吳災始追憶其言  
包長明說

薄子珏

吳人薄子珏性敏悟書不再閱能縱橫成文嘗意製木童令司  
啓閉奉客盤匝靈動如生其議北方屯田田不必開井但相土

述鄭益校錄本

高下去沙五尺置乾草仍覆以土經日啓視其燥濕探水脉開  
池功省利倍屯政卒矣



述鄭益校錄本

空玄 附天主教

佛蛻

釋迦佛真身在錫蘭山國

無量壽佛真身在廣西全州

吳康僧會真身在海鹽金粟山寺 明初移南京天界寺

梁番僧智葉三藏真身在韶州月華寺

唐長耳和尚真身在錢塘西山法相寺

湘潭縣湘山有唐僧真骸至今存土人祠禱輒應 顧璘息園存稿

阿羅漢

真臘國天竺僧僑陳如自西域王來其國至其首姓斜斜名質  
多思那者日漸強盛嘉興嚴從簡殊域周咨錄云杭州淨慈寺



裝羅漢像五百以僑陳如為首今觀陳如特夷狄之主耳但教  
人事佛寔非所謂白晝昇天降龍伏虎有諸佛靈異者也今乃  
崇奉香火以為尊神則其誕莫可知矣

### 目連石塔

永年縣城二十里目連村有寺一小石塔為目連和尚墓

### 阿育王舍利

鄆縣西五十里鄆山晉太康二年沙門慧遠感從地湧出阿育  
王塔其狀青色似石非石高一尺四寸廣七寸靈盤五層四角  
挺然中懸金色小鐘不盈三寸舍利綴于鐘下圓轉不定其光  
搖曳若即若離隨人隱見繞塔四周俱是鏤空諸佛菩薩金剛  
聖僧八部等像神工聖蹟非人力所及梁武帝造木塔籠之今

述鄭公校錄本

名廣利寺萬曆丙子平湖陸冢宰光祚瞻禮初見舍利大如茨  
實已如彈凡已大如瓜最後大如車輪五色变幻光采射目壬  
子泰和郭孔泰孔陵瞻禮舍利初視若黍米已如豆如蓮子同  
觀者或見如新菱兩角垂絲、綴以北珠或見如葡萄色或見  
如桃瓣或見如金蓮花瑞相種種不一又秀水朱侍郎大啟禮  
見如菜豆許色瑩、如水晶踰頃忽微紅色次早諦觀之無有  
也弘光初奸僧竊舍利去今綴以珠無異

### 達磨石像

嵩縣少林寺達磨面壁處崑山魏恭簡公督學河南以面壁石  
與影石不同謂其妄命登封令侯泰鑿之今影石與故雖鑿不  
為損



玉石佛像

弘治間慶雲縣人掘地得玉石佛像二一北齊天寶八年造一武平六年造座上皆刻造佛文字併興造各人姓名自北齊至今幾二千餘年而此像既出復沒物之隱見信有數存焉慶雲縣志

寧夏銅像

寧夏古靈州城東北鉄柱泉旁有窟人莫敢入景泰間李某同一僕藝燈以入行二十步推開一石門有銅鑄佛像旁有二僧屍覆以錦衾其面如生而金貝之類環其左右恣取之將出風颯々燈息門閉鼓鉦齊鳴李恐懼欲死盡棄諸物俄于旁窟匍匐而出明日集衆往掘之堅不能入机械如洛陽也寧夏鎮志

宗濂前生書華嚴經

述鄭益校錄本

宗景濂先生生時母先夢僧云永明延壽手持血書華嚴經求借汝一室以完願後先生至蘇州半塘之聖壽寺恍惚憶前寺得經于蒸井上則前元聖壽寺僧善繼所書之法如趙魏公端楷不苟八十卷如一多名僧題跋今在杭州赤山埠西大通寺中見馮祭酒夢禎日記按宗慶曆八年張方平以端明殿學士右諫議大夫知州事公為政清嚴一日遊瑯琊山藏院輒悅仰因勅從吏取梯披陟梁得經函之有書寫楞伽經半披玩忽悟前身故僧也寫未竟逝乃為終竟書之法宛然不殊號二生經時時為人誦經首偈云世間離生滅猶如虛空花知不得有無而興大悲心後授蘇東坡東坡序之仍為寫刻浮玉山龍游寺中

藏經



國初重刻大藏經板留大報恩寺四方僧衆咸許摹傳見永樂十一年義烏王祿華陽教寺閣記今南京刊板藏禮部僧衆非厚費三四百金不能得北京刊板在內府非特賜奏請則不能得藏經舊刻六百三十七函梓于永樂庚子正統庚申成萬曆初慈聖皇太后續刻四十一函起華嚴玄設會玄記至第一希有大功德聖說普陀山志

### 觀音夢感經

仁孝懿慈誠明莊獻配天齊聖文皇后嘗夢白衣大士口授數千言覺而記之自製序入大藏

### 佛牙

嘉定尚書徐太室

學模

集云守荊州見孱陵二聖寺佛牙形模

述鄭益校錄本

說異香芬馥人其詩孱陵佛牙如掌大妙香伴供弥陀座三水  
文太青翔鳳集云見南京西天寺佛牙頗疑其非寔蓋如  
來佛四十二齒若生長二寸博寸許則面當如車輪矣此必異  
獸骨也予于南京天界寺見佛牙長二寸博寸許瑩潤如菜玉  
而竊謂太青所論大有理至孱陵佛牙如掌則又大于西天天  
界二寺所供矣按佛國記佛有四牙廣半寸長半寸一牙在呵  
條國一牙在天上一牙在海龍王宮一牙在乾陀國王使大  
臣九人守保之月朝捧繫牙出夫牙廣長各半寸意得其真今  
所見侈矣

### 寶金和尚

國初寶金和尚碧峰者留千佛袈裟衣一嚴于繁峙之普光寺



云人衣之則死草覆之則枯嘉靖癸丑北 入寇披于馬上馳  
驟往來亦未見有驗繁時縣志

和尚嘗上書求增建賊司大理寺卿李仕魯言天下學校尚未  
建儒風尚未振而先為異端樹幟非所以垂遠也忤旨乞歸譴死  
僧娶妻室

鳳陽大龍興寺即皇覺寺一曰於皇寺 太祖勅僧律一曰有  
妻室僧人除前輩老僧蓋因元末兵亂流移他方彼時皆有妻  
室今已老年毋論外其後進僧人有妻室者雖在長上輩比肩  
及在下諸人皆得凌辱亦無罪責今僧俱葷娶又無差累  
邵武汀洲僧道皆娶妻寺僧數百推一人削髮餘如民俗  
雲南大理府山僧有妻子亦讀儒書

述鄭公校錄本

莆田林兆恩懋勳究心儒學兼通道釋學者稱三教先生嘗詣  
京欲上章婚娶二氏弟子安溪黃本移書止之曰有即得行其  
善願此時詣闕上書者皆黃緇符篆者流吾師欲以婚娶二氏  
易天下不惟不足以明三聖人之道適使疑夫子兆恩乃止

### 鉄塔

當陽縣玉泉寺鉄塔鉄鏤皆隋物

### 釋迦塔

應州治西佛宮寺遼清寧二年田和尚奉勅立有釋迦塔高三  
百六十尺圍半之六簷八角上下皆巨木為之層如樓閣玲瓏  
宏敞稱寓內浮屠第一塔後大雄殿九間通一酸茨梁

周氏豐潤人宣德間生幼不茹葷長從釋教誓不出戶年七十



餘坐逝隨火自焚得舍利數十粒甚神向北而去人多見之

### 寶光寺泥丸柏

懷慶府城東北四十里明月山高峻舒豁山皆古柏無他木云  
元泰定丙申僧寶相創明月寺乃以凡泥柏子持彈弓四擊岩  
谷中今蒼鬱成林障蔽天日者皆泥丸柏也明月寺天順戊寅  
賜額曰寶光寺

### 智慧菩薩 尼僧

四川古城用曉師女生而不葷好誦經年十九或議婚輒面壁卧  
經旬不起嘗絕粒食柏葉成化五年促其父母送至江村口白  
馬寺樓上自焚結跏坐滅歷暑不朽神顯靈異鄉人遂炒沙築  
其身裝塑成佛號智慧菩薩梓人多事之最有靈驗 四川通志

述鄭益校錄本

### 黃明立菩薩

臨汾泊庄村窰洪進女生崇禎三年二月生時母張氏夢鼓樂  
迎菩薩至其家後嫁適王勳里人張問道俄感疾三年不痊因  
還母家疾如故遂礼佛趺坐順治七年正月十五日云得道八  
月望日云在神前考過受西方佛封黃明立菩薩命作龕置空  
地西向廿八日午刻云火光菩薩太陽真人俱來相助至期火  
光自七竅迸出焰高二丈餘有白蛾從火內飛出翻々直上觀  
者數千人忽聞空中樂声異香三日不散初指于村西立庵經  
始之日忽南壁上生柏樹數十株長二三寸許有跡在焉

### 達觀和尚

達觀和尚真可宿吳江村庵中旦語主僧曰昨尔婦訴冤宜自



省其僧嘗少娶以寃死大疎異命即禮懺訖出佛前朱几焚之  
朱僧如其言朱几鑲以石得赤蛇則婦孽也嘗宿華亭徐氏所  
曉起語主人曰昨夕奴婢訴銀壺之枉銀壺重十八兩三錢見  
在某室可覆按也因入其內指乳母床頂上果得壺 吳中書說  
和尚寓嘉善東門外景德寺時大悲閣圯卜葺之未利云後自  
有人甲辰五月錢相國士升明經時夢和尚為祝髮加僧帽出  
法華經示之展卷赤光瑩々寤後猶未知所謂達觀也先癸卯  
冬師化去已相國父疾迎醫于嘉興楞嚴寺前偶憇經房問法  
華經幾卷曰七卷主僧云和尚血書法華經頓悟前夢道念始  
切其冬手書法華經一部及解相重修大悲閣得和尚自題像  
摹刻于石見記中又手書法華經一部相國自說又曰邑人盛

述鄭益校錄本

懋相問秋闈事師曰老鶴窠頭立懋相不解曰待子來萬曆丙  
子登科

神祖手書金剛般若經汗漬欲易之命曹內官問和尚答偈曰  
御汗一滴萬世津梁無窮法藏從此放光 上大悅

### 憨山和尚

沙門德清于膠州勞山舊觀音菴地建海印寺德清初與內監  
張本善本奉 太后懿旨齎藏經分散名山而寺無上名本遽  
填海印寺與之道士耿義蘭爭其地具奏下法司擬本以詐旨  
論死德清謫戍雷州寺亦毀師嘗注老子至天之道其猶張弓  
乎子思之未得乃借弓懸壁間忽悟張字與弛對時拊高而有  
餘稍下而不足祇歸無用及張而用之則抑高奉下捐附補稍



上下均停可以命中天道全以動為用主施而不主受也

閨頭院

萬曆間閨頭院不知何許人能分身現形一日至  
菱湖鎮  
向小兒乞火置掌中即熾并其身骨俱燼

密雲和尚

密雲和尚住鄞縣天童寺法席甚盛猿啣圃瓜師嘆曰業畜何  
不他食而必瓜之是及也明旦群猿卧瓜側不復啣

僧大香反史詩

周公正懼流言日王莽虛恭下士時決使當年身不死要留忠  
偽與人知

僧佛日送雲

述鄭益校錄本

仁和塘棲鎮佛僧日住黃鶴山已隱西湖之十八潤開法雨泉  
披榛數十丈見石壁鏤佛日寺胡大史仲胤嘉計偕登舟僧挈  
楫送之滿貯白雲啓則濛涌流裊于蓬櫂之間郁之勃之所謂  
祇可自怡不堪持贈又轉作一解矣

祖師像

國初禁中有祖師画像八十八尊供牛首山之祖堂萬曆甲申  
沙門達觀以新安丁南羽摹之分送五臺峨嵋南嶽錢塘黃祠  
部汝亨臨之送天竺寺嘉善錢相國臨之送景德寺

像不惹塵

弘光初游姑蘇之北寺有不惹塵觀音殿像設如新按酉陽雜  
俎都下佛寺神像往往有鳥雀不汚者鳳翔山人張盈言或有



佛寺金剛鳥雀不集者非其靈驗也盖由取土處及塑像時偶  
昇辰王相、符也

### 求履僧

嘉興李孝廉士晉有僧募履命僮索履僧笑曰果履乎李未解  
僧問其衣何物曰紬僧笑曰羊質虎皮李色駭僧曰能從我游  
乎曰請俟異日因入取履僧不復見

### 僧誑

南都有僧突達官前駟將撻之忽云打不得我 建文皇帝嫡  
裔也欲啟其素又云中有內府勅開不得遂下僧錄司其僧猶  
端坐抗語因送禮部都下喧傳各衙門會訊莫敢誰何內一人  
強健解索則法華經一部也盖犯道畏責作此誑語 蒼雪上人說

述鄭坐校錄本

臨川黃端栢司理杭州素佞佛瓢衲雲集有僧漢人求閉閤靈  
隱寺約某日回首須二岳合瘞司理如其言遣隸守之屆期夜  
挾刃欲逞隸亟縱去其隸予所識也

### 張真人印劍

廣信龍虎山正一真人張氏寶劍二玉劍一印四一白玉方紐  
徑寸二狹幅文朱上帝舊書一銀方如玉 世廟所賜一白玉  
雙螭鈕徑寸四闊幅文如小玉方 國初所賜一金紐如番蓮  
轟起雲雷篆今真人府燬器具存

### 神樂觀歲給

南京神樂觀歲給乾魚萬斤鮓三千斤米三千石小麦千石黃  
豎二百石芝麻五十石樂舞生三百三百十餘人歲支夏布三



足棉布三足絹一足綿半斤

張三丰

張三丰俗名猷字玄、號三丰又號斗蓬又呼遺通仙閩縣人又云羊城人也七歲能奕即無敵十歲習儒業失怙恃長入番家華林遇至人偕栖三十年云山混俗歸閩補刑曹吏閩人未知也未幾因劫獄連坐戍貴州平越衛同解將及境師浴于河溺焉明日自水出袖各司回文批帖解者探囊中原文已無矣始神之重受餽而別至平越千戶張信少敏慧善奕師往較焉稱国手一日殘局終宵抗衡因記之各就寢張夢老嫗汝基當如是而後勝辰起不數着而師負矣師大笑曰驪山老母大是饒舌由是人知其異遠近播傳師將遠遊辭故人十餘人家皆

述鄭公校錄本

錢于一日席皆有師人愈異焉別張信曰吾為葬若父命信取骨自負指岩窟密曰汝勿懼往擲置之口中既入見石牛欲相咬畏而掛角出以告師曰大至封侯斯亦足矣復投鉄椎命往擊洞門石磴曰擊不過一二雖至斷而已張力不勝擊至七方斷見金魚飛去歸白之師曰惜哉汝八口止存君一人十年後位至封侯十二年間當會于武當言訖而去永樂靖難信以功封隆平侯至十二年男勅祭武當山見師山中石岩炊瓦釜形質憔悴破衲腐穢傾米飲為茶送一棗張不飲袖其棗而別下山視棗已長尺餘驚訝復上山尋師已逝矣追悔莫及師曩居平越高真觀今有礼斗亭浴池石碁局山中嘗有人聞磬效声响振岩谷後移居武當往來天柱五龍南岩紫霄諸名勝洪武



庚午拂袖長往不知所終 郭子章黔記

按他書云張三丰遼東懿州人名君寶一云寶鷄人

### 范達

范達河內人有奇骨讀書過目不忘成化間棄家從異人游遂為武當山提點邑人某至武當見達乘肩輿丰神飄逸羽從數十人與達語移時問其家事人甚悉又數年見達童顏猶昔行步如飛不得近後名其故居曰仙人村

### 桃林老道人

正德時 劉閣剽盜漢中牛山之燕子嶺草菴有老比丘自稱元時人白首童顏問其年不記出度紙厚方可七尺字如紫蚓盤蛇蒙古書也對人趺坐又至桃林園澗繞草舍一道人年

述鄭益校錄本

九十餘色不槁云採桃實自給左右言其橐豐求餉明發攜二千人以金歸而復召此二人皆不知所往

### 胡蓬頭

胡蓬頭夏縣人如意里胡德之遠祖也里界聞喜間就大溝上架大橋後出游方外 明正德中有道人蓬頭至橋邊云胡氏指其宅墓故址且言村巷某處舊有碓石掘二尺許得之人且驚異居數日傭于張鷲家種田忽不見

### 道人題壁

嘉靖初吳江平望鎮殊勝寺有道人題壁我自蓬萊跨鶴歸山僧不遇意徘徊時人莫解菩提寺三十餘年化作灰後燬于倭

### 張福



張福者淮陰盜徒也性悍恣不下人一日乘涼樹下有老僧同坐老僧忽奔手擊張一掌衆皆為僧危之謂此惡少奈何犯虎口哉張默然僧又擊一掌不應至三擊則叩首日吾解師意矣僧曰尔來至一卷與樹對坐旬日語張曰若有得矣須歸富貴人有善根者為外護若妻子則謝絕勿念也張歸舍其妻與方他少年淫媾其人自床投地請死張曰若有緣也無恐不知若有室乎少年對曰未有張曰子請遂以為妻又呼其子與隣老未有子者子之曰亟去無來迹我乃竟往投萬總戎鹿園萬問之曰若何能曰請為閹者司出入萬因置之門萬本大家男婦堂數百人出入無忌張日危坐于戶至晚必報主人今日某之出某之入有戲豫無礼蹈法者必告居三日萬氏門肅然無譁又

述鄭公校錄本

數月萬知其慮確可托也命之守書舍司金錢出納則銖兩無爽有不經者必裁節之一日萬自外歸見張坐其所坐處呼曰若何敢踞我坐張起而對曰將軍胡無平等心也萬登坐覺坐席熱如火心異之又一日萬自外來則張寢其床萬又呼曰若乃何爾又曰主人何無平等心也萬登床覺床如火坑大異之時有吏部郎過准得瘵疾甚危萬以語張曰請為療之乃相與背坐吏部即覺背如火焚也旬日而瘵愈遂往京去一日張請于萬曰小子修玄有微效矣請一靜室求一姬為伴萬乃呼婢數十人使擇張曰是皆不堪請將軍所幸姬萬難之已度其人非酒色徒也何難一姬以妨大道竟與之張乃挈一姬一婢入室鑿壁而進飲食居八月以姬還萬詢婢曰彼日與姬對坐



相去函丈未嘗近也姬亦素好道平日閉戶焚香掃地而坐每以悟真篇問張、不答亦竟無一語也張自出閤則請主人白布數丈金二兩又書字一紙緘之與銀布同置一廂請以某日開萬如其言居止何詣萬前曰小子歸矣叩頭而出萬望之不得使人亟走之其行如飛不能及也至故所遇老僧處趺坐合掌而化萬乃開其所緘廂則上書曰小子以某日行請以布斂以金制龕主人親封之萬乃嘆惜恨失至人也居有頃前吏部郎自長安以請急歸來謁萬、曰若知張福化乎吏部郎曰吾于濟上遇之設笑竟日胡遽有此萬亟開龕則僅有布在其巖不見矣萬諸僮嘗見之淮徐間萬本名將晚歲好玄每日靜坐室中張謂此有為法非無上道萬每叩其有別術不語但曰天

述鄭公校錄本

下無有富貴神仙孰能弃三公而荐天下賢者以澤蒼生孰能弃萬金而施貧者以脫人于死孰能割恩愛塊然獨處而弃虛白為對無是三者請勿語道少司馬許公乎遠亦識其人津、稱之曰世故有此異人也馮時可二氏餘說

馬自然求載通志

益官馬湘字自然世為小吏自然獨好經史工文學嘗徧游方外至湖州醉墮雲溪經日而出衣不沾濕指溪水能令逆流唐大中十年卒葬于其家東園明年東川奏劍南梓潼縣有道士馬自然白日上昇詔杭州發其塚止存竹杖今塚不存有石井在海寧縣西北十二里云自然所鑿嘉靖戊午武進薛應旂督學兩浙修通志意廢仙釋不錄七月二十四日有神降箕曰丹



陽道人馬自然煩大夫幸毋舍我薛曰欲入志乎曰然遂不敢  
置 杭州府志

### 高古峯

郴州東門高古峰 好道棄家游桂林蒼梧間簡率少文晚  
隱端州石室十年入廣州教人以死心孝廉李潔問上弦兌八  
下弦良八之功曰亦用之或詢以歲里曰多事生弘治庚申終  
天啟壬戌九月年百二十三歲

### 呂仙自序

萬曆初葛守禮殷士儋楊溥王家屏諸大老會燕邸齋素求呂  
仙箕書本唐之宗人名瓊字伯玉配金氏生子四甘美豐充年  
五十登第授縣不意有日月嘗當空之禍凡我同宗觸之者滅

述鄭益校錄本

予甚恐弃四子携妻山下築于洞僅兩口故氏呂名岩字洞賓  
後妻亡號純陽子

### 道士火遁

山陰王循學萬曆乙未進士是春讀書京師西山夜對燭俄閃  
燦有散見人自燭出可三四寸盤走几上尋登坐則修一二尺  
如道家裝侍兒驚匿亡何又盥走地上儼然人也語王曰毋我  
避也且乞茗因共語雞鳴而別漸縮如初入於燭明日訪京邸  
中貴云是日大內齋期或道士火遁也王終南海令其甥朱若  
一說侍兒尚存

### 麻城道士

麻城道士 以道術著黃州守某憂子婦困蓐布幣求療道



士方象奕々畢語使者曰尔第去亡恙第胎衣中還我一碁子  
使者返果產胎衣中碁子在焉包令孺說

清河異人

萬曆七年十二月有異人經清河縣之唐家口坐而化偽傳為  
呂祖湮盤遠近喧動男女焚修者數千人大為地方憂時令向  
日紅入朝明年三月還任則象已漆其屍而神之立廟日紅陽  
為祭文默約植一枯竹曰屍誠神三日生吾竹仍為廟否則不  
廟也越三日竹尚枯乃毀而瘞之謠言頓息然人竟不解其故  
或曰病也清河縣志

荀道人

姑蘇荀道人不知其所自敝緼行乞歷寒暑如一冬月鑿冰而

述鄭公校錄本

浴人咸異之嫌其姑不欲近而就問多驗弘光二月坐逝鼻垂  
玉筋尺許時予客蘇郡值華亭朱尚書國盛國盛好養生家言  
云嘗就門道人誠異人也



烟鑒

柄相末路

嘉靖戊申年大學士夏言臨禍貽憲副吳學愚賢婿吾得婿得  
汝門楣光矣患難賴汝扶持累汝受驚苦多矣無以為報但我  
有志恢復河套寔欲自盡犬馬所忠不虞至此今復何言今且  
死矣身後惟有平生奏疏詩文諸稿望子為我編校成書諸序  
并年譜乞借雄筆以賴不朽諸稿有文五卷一經手亦已囑之  
矣我平生大節賢婿所知得禍之詳賢聳所悉他日世有公論  
不能無望賢聳紀錄留心留心千古之託也處分家事別有  
遺囑賢聳亦與但盟教導諸子姪輩各宜守分仍道我苦處俾  
勿起爭端以召意外且以章吾之過也遺言賢女安人我止有



汝一人又不得一見而死千里遠來何以為情哀哉哀我身後望汝歲時墓上看二奶二今不知生死何如又不知去配所否今不能作書或已死或已去不可及也生離死別家散人亡可憐誠可憐哉勿復道勿復道汝夫婦各要和睦世上事汝今知之惟樂難得也擲筆長逝 勞形生何為忘情死亦好游神入太虛相伴天地老 吳春山東按察副使

萬曆十二年故太師張居正子禮部主事敬修自縊遺詞

四月二十一日聞報二十二日即移居空宅男女驚駭之狀不忍言至五月初三日丘侍郎至府初四日即差官提張敬修面審其中細微曲折之情不及多言但其大主意在屈坐先公以二百萬家貲又要我扳承天夷陵本縣三家要坐曾確

述鄭公校錄本

菴家寄銀十五萬兩坐王少方家寄銀十萬兩坐傅大川家寄銀五萬兩他云依說便罷如不從則當奉天命事其間恐嚇人之語令人胆破魂飛嗟此三家者皆怨仇禍患與張門同之以數十萬為寄何其愚哉或當事者處心蓄謀已定區區何能分解而威勢所逼只得欺天枉人從之夫數十萬銀吾意三家縱濫亦何能如此之積天上飛來之禍何愛片言之重只得從當事之意蓋料三家斷不能完結此事吾日後何面見之區區微衷不能自白恐後世以敬修為何如人品今又以母子叔侄恐團聚一處有串通之弊乃于五月一日又出牌追令隔別不得相聚接語而母南子北夫東妻西又懼會審之時嚴刑拷訊羅織銀鍊後日事又大可慮者今幽囚倉屋風雨蕭蕭青艸鳴



蛙無不助予之悲悼人非木石豈能堪此凌鏢告知神明決一  
瞑而萬世不視嗟、人豈不貪生畏死而敬修遭時如此度日  
後決無生路孔子之聖也而死顏回之賢也而死况平日于生  
死利害審之熟矣今屈死黃泉勢不容已承家祀祖并奉祖母  
二母饘粥則有諸弟在予母表受辛苦予妻素賢明善持閨內  
有古烈婦風吾此幸不得自保可憐我幼兒女皆六歲稚子言  
至于此痛心酸鼻不能終其說他如先公功罪與近遠藩誣陷  
事情則自有天下後世公論在敬修不必言也独空坐二百萬  
又欲屈坐曾王傳三家三十萬欺天枉人不得已託言片楮沒  
齒以代剖心此書送各司道一目非肯為此溝瀆之行也五月  
十日寫完以期必遂而夢兆稍言不果至十三日各欽差上司

述鄭公校錄本

會審叔侄俱嚴刑考訊偏勒扳扯他人止慮數十家扳而合諸  
公意即首肯之不合其意叫另開來合則從不合則夾打令人  
魂落無生氣嗟、此古今宇宙未有之情父母遺骸生平眼不  
見刑具脆薄之軀豈能勝之各位上司奉命而來如得其情則  
哀矜而弗喜可也何忍遽至于此嗟、此數之莫可逃也既令  
扳各家倘臨時對理不驗何以見諸公面且諸各扳扯多人  
皆平日所未聞者吾輩寧死豈能扯他人以解己之禍甚矣上  
天之愚弄人也而又使吾叔侄輩自愚何忍何忍任巡按活閻  
羅你也有父母妻子之念何忍殺人媚人如此之酷烈也今不  
得已而死明心萬分出于不得已若十三日拷訊口詞鄉里三  
尺童子怜之知之不必多言有便乞傳山西蒲州張相公說張



門事已完結矣無煩挂念願他輔佐 聖明天子於億萬年也  
談遷曰讀夏氏張氏二書令人淒然以泣方其秉國之鈞百吏  
震竦氣勢迴山嶽一朝失据步入西市諸子為囚富貴安在哉  
今貴溪江陵之論定矣功九而罪入敬修惜死六知洪朝選劉  
臺之冤乎昔閔將軍沒後時在荊州玉泉山現灵有僧呵之曰  
顏良又醜頭安在敬修書成之日洪劉之冤結案矣丘侍郎擗  
齊人之有聲望者懸貲酷拷貽楚患數年卒無子六未嘗無天  
道焉

崇禎十六年五月

大學士周延儒放歸復見徵知不利憂

泣或請解于中宮賂嘉定伯周或十萬金或達之 中宮以駕  
久不至奈何請授指 東宮 東宮每晨謁至是啟曰近來久

述鄭公校錄本

不見周先生何也 上曰爾何自知先生曰父皇嘗稱周先生  
故知之 上曰此非好人今不得稱先生 上心知其指尋賜  
死迨曙錦衣衛 同法曹至私邸排闥而入相國披裘  
起果絨巾家人見耳目有異各驚匿求青衣未得緹枝脫而衣  
之拜命飲泣求筆墨占句倉皇不屬使者促之置筆就縊

狂誕

餘姚諸子變相嘉靖乙未進士除兵部主事以簡伉忤時謫茶  
陵州同知量移潮州通判轉邵武同知寬簡御下勤于勸孝氓  
士胥悅變素深經孝脫畧自喜家居惟授徒自給後客嚴陵大  
醉般礴裸游桐江奄噬其陰以死

崑山王逢年游京師為相國慈溪袁煒掌記時飲于市遣使四



索因諷之怒曰爾時又登第乞文拜相乃牢籠天下士乎去之  
逢年嘗偽撰漢黃憲天祿閣外史隆慶初逢年坐事死  
吳縣張獻翼幼于太學生能詩好游仕路狎散伎慕古嵇阮之  
習與友人張孝資或紫衣杖屐或跣乞市中或歌或哭獻翼贈  
孝資詩中年少義深相見心莫逆還往不送迎抗手不相揖荷  
鍤隨吾行搯瓢並吾乞中路饋吾漿携伎登吾席萬里散漸高  
薤露歌甫畢子無我少隻我無君罕匹獻翼每念故人及亡伎  
輒為位置酒向空酬酢孝資生日乞生祭自為尸獻翼率子弟  
衰麻環哭上食設奠孝資享之朔日行卒哭禮設伎樂哭罷痛  
飲曰收泪自是率以為常萬曆甲辰年七十餘携伎居荒圃中  
殺于盜沒後人皆惡而諱之

述鄭公校錄本

緯候

五行

儀封王子衡廷相曰甲乙丙丁子丑寅卯大撓作此以紀歲月  
日時非有所謂甲乙屬木子亥屬水之說然而偶尔宗之即以  
當年為甲子歲仲冬為甲子月冬至為甲子日半夜為甲子時  
不知經歷幾千歲後人乃以五行分配之此半塗立論無所本  
始不待智者而後知矣且夫五行之氣無則已矣有之則一日  
之內無不全辭具在安有今日為木明日為火又明日為土為  
金為水乎何春止為木夏止為火秋止為金冬止為水乎何土  
唯旺于四季而餘日土氣即絕滅乎荅何粹夫論五行書  
新都楊用修慎曰今之易卜以甲乙起青龍丙丁起朱雀戊己



起勾陳騰蛇庚辛起白虎壬癸起玄武蓋不通理者遷就之弊  
戊己同為土豈其分為二騰蛇為北方水獸何以移之中央乎  
今定其次戊己共起勾陳而壬起騰蛇癸起玄武得其當矣何  
也北方之次于卦為艮有終萬物始萬物之意于方為北又為  
翔于人身為腎有左右于卦為習坎于器為權衡于物為龜蛇  
于色為玄黑于官為修熙于四德為貞正而固三兩事也于太  
玄周象直酉冥以配四時而冬蓋首冥且壬為陽水以騰蛇之  
雌配癸為陰水以玄武之雌配不易之道也此悞千餘年矣卜  
之不驗豈不繇此

東粵李潔曰久晴遇丙丁必雨久雨遇丙丁必晴而庚申次之  
若遇丙丁而不變是謂日月不換丙乃天地之病故病從丙也

述鄭玄校錄本

北方淫雨百姓即請官吏祈晴仁政之先務也南方往三太遲  
八月有易緯以節呂氏春炁以方烈風多起于戊日而箕宿次  
之

雄日

甲子值單日為雄雙日為雌日中有樹似松名空青之林食其  
葉者身者為金光

子日

正月上旬無子日大臣不安位 佳周說格

上戊上丁

李棲陽曰郊上辛社稷上戊孔子上丁戊在丁後故先丁如十  
日丁則一日戊當先戊而後丁以丁不常十故人鮮知一日之



戊弘治間吏部主事楊王子器上言戊從初十之丁則次戊非上戊也時無諳禮者竟寢不行

制日伐日

入山當以寶日及義日專日者大吉若制日伐日必凶靈寶經奇門書云假如甲子日水生甲木下生上也為義乙丑日乙木克丑土上克下也為制戊辰日上下無犯為專庚午日午火克庚金下克上也為伐丁丑日丁火生丑土上生下也為寶晉時拜官封爵用寶日上任用義日五雜俎

立春

立春日邑首甲糧長二人夜半于縣治前畫地植此如耕種狀值人畜即止以下歲多驗萬曆中嘗失期候春田官呵之吞曰

述鄭公校錄本

諺有之不種田時吃白米歲果稔

成化元年崇禎元年並元旦立春華亭陳繼儒眉公楹貼歲朝春百年難遇 聖天子萬壽無疆

上巳

三月己日為上巳非三之日也

黃梅雨

周處風土記夏至前雨名黃梅雨杜工部梅雨詩南京犀浦道四月熟黃梅湛：長江去冥：細雨來茅茨疎易濕雲霧密難開竟日蛟龍喜盤渦與岸迴按玄宗幸蜀置成都府尹號為南京讀其詩梅天與江浙不異也今俗作徽字

競渡



黃州俗五月十八日有龍舟之戲設屈原像及祗侯俱運机捩服飾極麗金簪玉導費嘗二三百緡土人舁舟送之江中順流至其灣土人先泊舟掠以為常

### 火節

雲南六月二十五日入夜家束松明為庭燎禱以艸花萬丈餘燃之殺牲祭祖老少圍坐火下飲酒達旦自官署都邑以及鄉村田野無不皆然謂之火把節又謂星回節相傳漢夷酋附南夫為人所殺誓不從賊以是日赴火死國人哀之因為此會一日孔明是日擒孟獲侵夜入城父老惟呼設庭燎迎之滇程記或云平忠臣王禕非也

### 中秋十六日

述鄭公校錄本

四明中秋宴飲以十六日初宋相史彌遠官臨安還家度節阻風至是夕始到遂沿為俗

### 九日

御袍重陽所服製為菊朵

### 大小清明

福建新樂歸化人以三月為小清明八月為大清明展墓者聞小廢毋敢大廢

### 朔望行香

洪武十七年勅每月朔望祭酒以下行釋菜禮郡邑長以下詣學行香按朔望行香之禮古未有也北齊每月朔祭酒博士諸生展拜階下郡縣朔朝是時未藝今所謂香也然朔日行禮則



始于此其後遂以朔望行香朱子曰謁先聖焚香不是古禮拾香不當叩頭只宜上捨香即出笏叩首而拜由是言之則宋亦然矣但儀節與今不同今則行拜禮東陽王嘉忠澄海縣志

天門

鄒洗馬德溥疾篤幼孫方六七歲同二三女童見天門開空中有大白鶴背跨冠緋秉笏者兩翼金甲神扶侍弓刀鶴飛欲下又旋轉再四須臾入室不見僅白雲從庭左角自地及檐而去不旬日鄒逝

始蘓沈文宇雖優人而事母至孝嘗語予曰萬曆癸丑七月三日露坐中夜俄天門開流光晃耀米几上罇罍歷歷在目亟呼母出視母命拜良久而隱

述鄭公校錄本

戊子九月二十五夜漏且盡天門開有火龍自東向西北又一龍相接掉尾落數小星

月

崇禎己巳十一月 日邑人洛塘周氏出葬夜分月中界畫如十字人皆見之

庚午七月六日有小星入月良久乃出自東而西去月二尺許竟不動

風

崇禎辛未六月庚戌臨穎有大風林氏杜氏等家產俱飄半空銅鉄器碎盡磁器獨全

庚辰七月天津巡撫李繼貞閱武帥旗不風而動明年三月亦



然且作笙歌声見邸報 石尤風李義山詩來風貯石郵

### 二雨辨

無錫邵文莊寶二雨辨云雲興于山勃然滿盈既蘊而降以雨者山雲也謂之山雨雲興于海倏然瀰漫既翕而盛以雨者海雲也謂之海雨海雲之雨乘風以行雷鳴則止山雲之雨挾雷以動風吹則散此其大凡也海雨夏少而秋多山雨夏多而秋少各宜之易是為交而無雷矣三台王子春云 雨師屏翳風師蜚廉雷師豐隆

### 崔錫

餘杭徐司理茂吳桂卒之歲甘露降于後園新安吳山人德符充曰恐是崔錫果應其兆

述鄭公校錄本

### 雷

嘉興吳太宰鵬家內樓雷震後凡金玉銅瓷之器俱一細孔如粟海寧轉塘徐氏有婢抱主人兒被震死維兒無恙後若干年六孀姑蘓人某雷熱其袴外衣毫不損雷神亦善戲矣 萬曆戊辰六月二十日福建平和縣東廂外陳孫家有兒在輿中雷震其輿而碎兒仆地活

天啟乙丑廣州濠弦里方氏婦張孀居元夕觀燈俄黑犬隨歸二月夜忽雷光燭一室婦攜孩兒坐榻犬若惧甚依人時見數神若十四五歲童子無髮者環榻二三尺欲前踰時忽捕犬去清朝辛卯四月九日蘓州張某雷赫其廩米如粉時米貴某索高價也



江南二十八景

華亭願東江先生清云江南二十八景梨花滿放梅萼盛敷茶  
笋初肥桃柳相媚枇杷摘金楊梅獻紫牡丹鬥色芍藥繁粧海  
棠曉睡薔薇畫青芰荷新發芡茨初嘗蓴鱸正美秫酒始釀稻  
花成雲麥風如浪鮭魚荐鮮紫蟹滿膏橙黃橘綠蒲長葦茂菊  
圃千名杏園一色松花成餅桂子為漿蘭蕙列庭水仙置席鶯  
啼春樹鷺映秋波陸平泉曰尚有二景菜花如縵稻米如玉  
馮  
元成集

日本小曆

弘光初有携日本小曆一紙來者並夷字首題寬永二十一年  
及大將軍等字彼遐裔何嘗奉正朔也

述鄭公校錄本

男產

嘉靖乙酉橫涇農人孔方產兒

侯甸西樵野記

萬曆丁巳正月二十八日奉化縣後陽邨男子張一產兒並活

亡恙張妻舒氏未妊同盧某負販或曰兒之孕盧為之也 徐見

可吸墨亭集

又中同中翰馬呈德婦萬曆癸卯孕庚戌免身凡妊六年子三  
歲能誦詩書見謝肇浙五雜俎

人疴

崇禎庚辰吾友王介人相至徐州豆作人面如面至于盈畝携  
婦見之又太行山桑柳並生人三四寸裸而黑揭燈上口噴  
有聲



鷄腹小兒

嘉靖二十二年太倉州葑松鎮沈氏殺一雄雞剖腹得小兒五形皆具 太倉州志

飛蓆

嘉靖三十四年會稽有物方長如尺牘飛空中映日作金色數鷹繞逐之有因劉朝忠祝曰果祥也則墮已漸近果墮則縣令古文炳草蓆也官命禳之 會稽縣志

大明門黑氣

崇禎乙巳夏卜者周午暘語 賀中冷 世壽曰黑氣蒙大明門久矣非休徵也及十月遵化失陷烽火徧于都門

鳳陽鼓樓

述鄭公校錄本

壬午鳳陽鼓樓忽坍去成平地太守往驗坐良久俄晦冥鼓如風霆樓復故 鄞縣錢光繡記

集異

丁亥八月晦是夕天上噫：有聲如潮十餘刻乃息又是月七日午刻日旁見一星明日亦如之

十月松江黃浦鱧魚大上至妨楫

嘉善東門民家雞翼生爪各邑多有之江陰獲雉足如鴨

戊子冬至前三日薄莫鳳皇自海鹽過海寧向西北而去萬鳥

從之約二十里斜橋趙氏蒼頭見之

庚寅四月六日有斷龍墮蘇州許墅閔見邸報

九月十七日錢塘北高峯崩明日靈隱寺鑿土得僧墓



十月朔午刻日食既望日嘉興東門外雨絮友人金嗣孫龍友舟行龍值之夜月食

二十四日夜黑虹竟天起西南指東北若開闔者三

辛卯五月二十三日大雨海鹽東門外漂一樹巨數十丈七月寧波府有異獸兩角驢面馬鬣豕蹄尾短僅三寸如鹿色黃自祖閔墮于老龍灣躍岸郡城驚逐越城而奔西至湖西民家復逐之遂出西門走二十里獲于高橋送郡守轉至海道王尔祿觀者如堵皆莫知其名或云山羊以糞似之數日死人咬其肉味類鹿是日定海城獲一鹿亦以進八月大星隕于海

述鄭公校錄本

### 名勝

#### 石經山石經

順天房山縣西南五十里石經山峯巒秀拔故曰小西天隋大業間僧靜琬惧奉教有難不能流通發願募工鑿石刊造一大藏經積于此山以備其後至唐貞觀初僅成大涅槃一部法師卒其後人通刊造餘部歷遼金始完一大藏貯于岩洞者七地穴者二洞鏡以石門穴鎮于浮屠自来兵燹不之及

一統志

#### 硤石山

澤州城南三十五里硤石山高數丈頂平若砥橫縱十餘步相傳慧遠隱此著涅槃經成擲其筆曰若疏義契理筆當住空已而果然因名擲筆臺



金窩山朱書

豐潤金窩山極險峻山腹石壁間宛如門扃而不可開上有朱書數行可辨識者惟縱有黃金人不見七字其書雖竭力磨洗不減人以為金鑛所在 豐潤縣志

邯山

漢地理志邯山在東城下金地理志云邯山有邯山鎮即今城東代召鎮是也又水經云牛首水出堵山東經邯山即張晏所謂邯山在東城下者以今觀之東城之下不惟無水且無山矣然則三說何以云尔也嘗味水經之言謂邯山即邯山此說深為有理蓋土高曰阜不必其巍然哉然而古人皆謂之山也夫求一阜于千百年之下能保其不為平地哉况山夷則

述鄭公校錄本

水竭而邯山之下即有邯水六漸：乎其漸涸也余觀浮鄉縣有所謂浮邱山者今六漸平為地大抵皆邯山之類耳邯縣志

二郎山

遼東錦州城北三十里二郎山破石多如彈丸可入砲而輕督師孫承宗戲曰二郎神好用禪想其餘物

二郎神為清源妙道真君即嘉州守趙煜斬蛟者也未詳何代何封稱為二郎

倚陽山

林縣倚陽山桃花洞北齊高歡冬月被兵圍于此期以桃花開兵解已而桃花果開圍遂解後洞口桃花冬月盛開今不存林縣志



水神山

山西孟縣東北十里相傳昔周世宗女秉性貞烈不欲適人  
于是山樹下涕泣渴而思水扣地得泉自縊于樹鄉人因立  
廟祀曰水神山

火山

太原河曲縣西五里古稱火山軍山有上孔以草投孔中烟焰  
上發可熟食不生草

呂梁山

永寧州東北百里呂梁山俗名穀積山與交城接界呂不韋曰  
龍門未闢呂梁未鑿河出孟門之上

石鏡山

述鄭公校錄本

寧國縣石鏡山有石如鏡足以鑑物黃巢寇宣  
翻歛過此照見其狀如獼猴大恐積薪燔之石遂無光  
久乃漸復寧國府志按石鏡山不一吳地記臨安縣東五里石鏡山有石鏡徑二尺四寸甚清其見人形狀

陰陵山

陰陵山今全椒縣東南二十五里九門山楚兵敗欲東渡烏江  
經此與漢兵一日九鬥其山石尚有礪劍跡有迷溝為田父  
咤處今三汊河有霸王廟所產艾叶皆低頭為羽晒甲壓之云  
全椒縣志

齊雲山善惡

休寧縣齊雲岩嘉靖中改稱山立玄天太素宮曰善山惡山善



山為君惡山為夫人兮祭則灾合祭則福

天台山仙女

天台二仙女宋景祐中 明焄採藥見金橋跨水光華炫目有二女戲于水上殆水仙洞府也

天台縣西七十里明岩、西有泉蔽崖而下渙若垂箔寺僧不用竹縷引之從高下墜涕曰水索

天台縣堯源千山萬山人烟斷絕其中古堯樹年深化為精魅常迷人宋王介甫夜坐梅月照軒寤讀易忽有一妹容顏姝麗見介甫自言知易遂相與談論畫卦妙理寔能發人所未發介甫喜甚間得報司馬君寔來訪介甫出迎至軒中彼妹即隱身不出及司馬出彼妹復來介甫怪而問之對云妾乃此梅花月

述鄭益校錄本

之妖君寔正人妾不敢相見介甫報然

仙居山蝌蚪篆

仙居山縣西四十五里險絕難升上有石壁刻蝌蚪篆文晉義熙中周廷尉令郡造飛梯以蠟模之莫識其義後守阮錄携衆往觀雲雨累日不見 仙居縣志

雲黃山

義烏縣南二十里雲黃山傳大士餒虎餘飯化為石青白而紫有陶氏居下山常資給大士遂視之曰它日以飯石琢數珠瞻汝曹奮自彘授記惟此一氏家能之女已嫁則不能他人倣倣石即穿裂義烏縣志傳歛義烏嵇亭里人因取魚食嵩頭陀曰試自照水乃見負光寶蓋即悟前因、具開道場頭陀指山下



雙檇樹曰此可以結菴苦行七年忽三佛來自東方有金色自天而下集于其身從是身嘗出妙香聞空中教偈梁武帝召赴一次入重雲殿不拜往登寶榻與帝問答詔還山號善慧大士

### 玉華山

蘭溪玉華山庚寅七月忽裂二三里成潭又距十餘里曰橋下湖有巨魚如舟土人毒以巴豆不得

### 伏龍山

襄陽城西三十里伏龍山諸為隆中諸葛氏草廬也今有祠西八角谷井頗宏敞明襄簡王墓處竟乏嗣人謂武侯之英爽可畏又南陽距城八里云八里岡六曰隆中岡勢蜿蜒如帶高僅數丈上有祠嘉定徐宗伯學謨俱游之謂襄陽可括宛人不

述鄭公校錄本

能據而有之蕪子瞻詩誰謂襄陽野生此萬乘師蓋指伏龍山云見宗伯集中

### 玉泉山

荆門州玉泉山有閔侯祠二下方二十步皆里土相傳侯嘗住兵作書遺其子平書罷以研汁擲地故至今土為之緇其青龍刀豎石罅中以手摩之輒動然後干人之力不能牽也

### 孔子山

青州東百里有孔子山相傳孔子適楚嘗登此山上有坐石此木不侵有研石每雨輒有墨水流出

又澤州南四十五里天井關石上孔子將入晉聞趙簡子殺竇鳴犢至此迴車轍迹尚存深尺許長百餘步後人因立廟道左



太山

沁水張大理五典度太山自山下至嶺五千三百八十四步五尺為步紆折皆在其中高三百八十六丈九尺一寸寔十四里零八十餘步漢官儀云太山自下至古封禪處凡四十里皆妄也有太山道里記近馮生過太山云不甚高廣不知何以得名如此

太山上秦始皇立無字碑或曰碑函或曰鎮石或曰表望或曰待刻闕人謝在抗摩漸親至其地云元君祠當公署中尚有斷碑二十九年疑即所刻石也其豎片石為祠記表望明矣五禱太山捨身崖在日觀峯下愚民往之捨身投崖邀冥福尚書何起鳴設垣墻示禁勒曰爰身臺

述鄭益校錄本

成山

文登縣南百二十里成山秦始皇造石橋渡海觀日神人驅石鞭之見血至今山石皆赤予謂山石赤色者多若天台赤城黃州赤壁豈上有神驅而鞭之乎其造橋事容有之然上不至望洋也五雜俎按成山東石石山神人鞭石處見三齊畧

青山

曹縣青山諸生郝元嘗治園見瓦棺長丈許高五尺朽骸風滅瓦刻字莫辨儀從夾侍大僅尺朱沙班剥意春秋曹先公遺產葬郝元于南京為予言

東浮山

山西平定州東浮山距城五十里即女皇氏補天處其煉石灶



尚存石灰勝他產諸色石俱可燒 明孝士陸文裕深過其地  
得遺跡問土人及學士大夫皆曰古蹟寔然歲上元夜家置一  
鑪當戶高五六尺許寔以雜石附以石炭夜煉之達旦焰光上  
燭天為之赤至于今不廢是謂補天文裕語喬莊靖太宰守曰  
女皇察物宜前民用故制此以通昏黑之文備烹飪之宜蓋曰  
補天之所不及耳 儼然集

### 崖山

太原縣東有崖山天旱土人燒此山以求雨俗傳崖山神娶河  
伯女故河伯見火必降雨救之今山上多生水井

### 羅浮山

羅浮二山相合屬博羅縣取道增城則近其上多奇植異卉有

述鄭公校錄本

松尺許匝置數年植之復生有竹葉符每竹止二符乃篆書仁  
字色白浣之不脫五色鳥時集人肩虎不噬人有王野人園  
寔森茂春冬亡間游人往摘持歸即迷道而園原無定在也又  
有仙樂風月靜夜每聞之道士擬製今冲虛<sub>現</sub>所奏頗得其散

### 銅鼓山

貴州威清衛西四十五里銅鼓山諸葛亮南征于此獲銅鼓故  
云土人云山有洞藏武侯盔甲先代有可入處今石門榛蕪無  
人或臨之蛇蜂交集不可入每值陰雨聞者如銅鼓鏗然有聲  
貴州通志

### 金陵岡

金陵岡在應天府龍灣相傳秦始皇埋金人于此碣曰不在山



前不在山後不在山南不在山北有人獲得富了一國殆以此地氣盛誘人鑿之耳其愚黔首若此而亡秦者泗上亭長乎子嗟夫祖龍之愚應天府志

### 飛來峯

錢塘靈隱山之飛來峯元僧楊連真伽徧鑿佛像明嘉靖

太守福清陳仕賢以楊及郊僧聞僧三石像斷其首瘞獄中

獄役寔悞毀佛像也近來有續其首以佛故亦多事矣陳仕賢

嘉靖壬辰進士

### 回鴈峯

衡山回雁峯相傳鴈不度衡陽然衡陽之南亦有鴈但過此則

漸稀耳或曰峰勢如鴈翼之回衡州府志

述鄭坐校錄本

### 六真洞

山陽六真洞元真人丘處機劉處玄譚處端王處一郝大通馬

鈺

### 燕子洞

貴州平越府有燕子洞紫燕千百為羣潛藏于此冬不北鄉洞口二丈其土疏而粘黑而肥土人用之糞田進洞口二里持炬至大洞源泉混々声如鳴金有時響散如擊楫時有黑衣人乘霧出入豈燕之聚精耶黔記

### 燕子岩

林縣燕子岩在炭場北秋冬燕子蟄其中彰德府志

### 七盤坡



藍田縣東南有七盤坡古武關之地

鷺公坡

番禺鷺公坡每風月夜集遠聽如鵝散就近則無有練要堂集

櫃兒崖

四川桐梓縣七暈溪之櫃兒崖門有櫃相傳其中器物皆具昔人嘗借用之後有失其甕甌者遂路隔不能達萬曆間劉綬引砲破其一角次日復完蝶庵存稿

石硤

渾源州南蒼窰口石硤上有張君祥刻仇扇風蒟蘆人過之雖暑熱即有風生

四道三谷

述鄭公校錄本

何景明雍大記予從入蜀漢道觀之其西南曰褒谷從褒入南曰駱谷從洋入東南曰斜谷從郿入其所從皆殊舊志謂首尾一谷非是其棧道有四從成和階文出者為沓中陰平道郿艾伐蜀由之從兩當出者為故道漢高帝攻陳倉由之從褒鳳出者為今連雲棧漢王之南鄭由之從城固洋縣出者為斜駱道武侯屯渭上由之此四道三谷關南之險阨攻取所從來固矣

長平坂

砥州城南三里長平坂廣袤八十里白起詐坑趙卒于此

大庾嶺

南安府城西南二十五里大庾嶺磅礴高聳南接南雄唐張九齡開鑿新路兩壁峭立中路坦夷一曰梅嶺以漢將梅賈得名



銷從吳芮定百粵有功封臺侯臺嶺即梅嶺也後因銷將庾勝兄弟居守又名大庾嶺下舊有驛宋郡守趙孟適書扁有女子題壁曰妾幼侍父任英州司馬及歸聞大庾有梅嶺而乃無梅遂植三十本于道因題詩云英江今日掌刑回上得梅山不見梅輟俸買得三十本清香留與雪中開宋監官張九成明張孟奇俱補植數百本

仙人籬

貴州城北八十里高崖之上相傳昔有黃冠結屋其上今籬尚存歷歲不窮

天花里

正統元年五月六日午刻鄞縣隱士虞德全家天花如雨飛滿

述鄭公校錄本

庭中其形若米色若玉積深尺許七日始化郡守鄭珞名其鄉為天花里

永義鄉

嘉靖壬子廣東肖寇作亂平之設廣寧縣有民馮世瑞納款立永義鄉居之

仁義鄉

繁昌縣唐南陵地開元中于南陵仁義鄉置石硤塲因其地產百姓輸納

捲簾庄

諸城縣北四十五里捲簾庄在漢王山西南地周五六里雖深秋嚴冬亦不見霜諺云捲簾庄秋冬不下霜



說糧墩

全柘縣西南五十里說糧墩在蘆陂湖東舊傳吳伐楚吳糧盡  
吳子胥以上為墩覆米其上故名今觀其形基布星列約五十  
餘可亦奇觀也 全柘縣志

鯨隄

鯨隄在清河縣西南三十里延袤千里自順德廣宗界東相傳  
鯨治水時築也 清河縣志

博浪沙

博浪沙據史在陽武縣東南三里今在東門內開封城北三日  
博浪沙 陽武縣志

紅土

述鄭公校錄本

宣府蔚城州衛城東南三十里太白山多奇山其紅土為印色傳

為周穆王乘八駿游此馬斃其血化為紅土 蔚州志

又貴溪縣龍虎山有五色土張真人以書符錄

河南新鄉縣東北近于衛河有紅土岡其地有雨水如血俗傳

紂血流漂杵于處此

山都

汀洲郡治初造大樹千餘其樹皆山都所居有三種下曰猪都  
中曰人都其高者為鳥都即如人形而卑小男婦自為配偶猪  
都皆身如猪鳥都人首能言聞其聲不見其形人都或時見形  
當伐木時有術者周元大能禹步為厲術以左右赤索圍木而  
砍之樹仆剖其中三都皆不能化執而煮之牛鑊內 闕書



鉄城

蔚州府洪武七年立甲子諸邊號曰鉄城周七里十三步高三丈五尺堞六尺址濶四丈堞口七百十有八門樓三各五間角樓四各三間俱高三層靖難時砲擊其一又回祿災其二後不復補昭臣節微天變也 蔚州志

碗子城

澤州南九十里太行山絕頂今屬懷慶府河內縣群山廻環兩崖相夾中立小城隱若鉄甕經行者須扶策徒行即宋太祖肩石之處正統間寧山衛指揮胡剛鑿石平險以免推車之患

沁雪石

趙子昂鷗波亭前有石二曰沁雪曰垂雲垂雲流落雲間已不

述鄭公校錄本

可改沁雪石在常熟縣署中有鐫字或曰沁雪子昂妾也錢侍御岱乘邑侯女疾喉巫言石為祟出之得歸錢氏在徐上舍處嘉興東門內范氏舞蛟石亦子昂鐫題今在全氏

憂懼石

永樂初尚書夏原吉治水江南立石嘉善西塘鎮福源宮前限水：止限下則懼過此則憂

中丞石

福建長樂縣十都有中丞石昔有為中丞者未遇時過此誓曰不為中丞不過此石後果然故名閩書云長樂縣二十一都石上刊中丞二字唐潘獨坐南歸憇此里人鏤之

棗陽石



襄陽縣石有青紅白黃其白者向北拱如遇朝廷採用先期鶴  
鶴畢集居民知必有大工 襄陽府志

掇刀石

常陽縣關羽祠有掇刀石傳武安屯軍祠下土方二十里黑如  
墨漬

望夫石

望夫石人稔知之肇慶府四會縣西二百里有新婦石夫為商  
不歸久望遂化石宋林小山詩瘦骨凌層立海湄綠苔曾是嫁  
時衣江郎去作三衢客目斷天涯竟不歸

天涯海角石

成都有天涯海角二石天涯石在中興寺故老傳云人生其上

述鄭公校錄本

則脚腫不能行至今人不敢踐履海角石在羅城內西北隅角  
高三尺以有廟今不存

雙魚石

涪州江心積石入水十餘丈夏漲不復見冬春如梁可游深處  
鑿有雙魚見則年豐唐宋元題名甚衆 四川通志

文石

雲南點蒼山北麓石石白質黑章膩若截肪琢為屏幃其最佳  
者蒼素分明山川遠近雲林晻曖若天生圖畫不眩而走四方  
好事者爭購之相傳李衛公平泉莊醒酒石即此也 滇程記

僧化石

南甸州東十里昔有僧自大理至此坐化為石後兵燬止存其



首土人祀之

鳳凰石

萬曆癸巳詔採雲南鳳凰石百餘有花草鸞鶴形者然僅三四尺而止

閩索石

貴州永寧衛南二十里道旁閩索石云閩索南征惡此石截道以戈推擊之石破為二一亩道旁一飛墮道旁因名落石今刀痕依然

清涼石

五臺山清涼石方九步相傳可容千萬人

松化石

述鄭坐校錄本

博物志松本石氣石裂而受沙即產松三三千年更化為石

太和伯陳萬言家有木假山乃先祖所得以其狀奇巧置于庭一旦化而為石文理猶木形未幾長女被選母天下求名公作

記詩 陸采覽勝設

石箭

福建同安縣石箭長二丈五尺周四尺七寸見存又文王射于豐有石箭在同官縣文王山長二丈五尺圍四尺七寸見存

石木魚

南昌雙嶺下石木魚長二丈餘鑿六十八孔鑿古彌陀佛名

石樹

雲南普定進山四十里有玲瓏石樹一為桃綠榦紅花一為李



青幹白花

石鏡

輝縣西北七十里侯趙川之中湖寺有石鏡半規能照山河人物之形俗稱透靈碑今昏暗云昔有上官欲昇歸至盤山頂忽聞乃復送至寺

石田

貴州城南二十五里相傳有隱士習黃白冲舉之事甚篤忽有道士從假牛耕石田種玉隱士與之方耕治隱士妻來索牛道士怒遂舍之至今石上耕治之迹宛然俗名鬼打耙

水晶營

盱眙縣東南十里外延亘百餘里以接山陽相傳隋煬帝陸地

述鄭公校錄本

行舟之道今皆軍民雜處農莊于其間遠而望之霧靄霏翕水光混漾如瀚海停波而蓬嶼星列儼若帆檣往來飄泊每晨灑露其景愈鮮陰雨迷茫尤多变幻所輿皆知其名 盱眙縣志

地鏡水影

濟南東七十五里東平陵城西北有陰地數畝天色澄霽亦若雲陰迫視則無 齊乘

鹵城影

繁峙縣東一百里故福都周圍三百里有十步東南西三門其地多鹵故名鹵城俗傳朝霽雲霧中呈現樓堞門內似有人焉現則多雨豐年之兆人在西則見在東亦見遠分明近則隱其東有齊城其隱見亦同今不復見蓋見則凶也



區田

圃田種蔬果

園田築土作圍以繞田者

架田架猶笈也亦名葑田

櫃田築土護田似園而小

梯田謂梯山以田

塗田低水處潮水沙泥

沙田南方江淮間沙淤之田

雄田交趾謂腴土曰雄田

表田公用田樣田寧夏新志載食貨有表田十頃供總府進表

述鄭公校錄本

之用公用田五頃供官軍葑餌各衙紙燭樣田四頃供祭文廟之用餘衛同

響地

寰宇記云萊水出襄國西北石井岡旁有響地圍百步人馬上行轟轟有聲掘之有火出今無聲 邢臺縣志

里牛

廣東府人謂里為牛地凡四十八牛 世經堂集

芋蘿村

華亭馮元成行可游石湖至紫薇村遇一野老年八十餘言此芋蘿村也西施生于此後有富人居此村曰何必尚循古國女稱乎改為紫薇其家盛植紫薇耳石湖北有溪古名若耶溪吳



亡後改越來溪世以浙東溪村名同此地因以西施為越所獻  
其寔吳產也元成後問劉子威鳳子威曰然嘗見楊君謙奚囊  
手鏡載其事

佛蹟

山西繁峙之五臺山清涼石浙東定海之落陀山盤陀石形模  
俱不甚廣登陟維衆了無碍處任受人必不登牛馬跡

城郭氣

臨洛趙簡子墓上氣成樓臺

恩縣白馬營在縣西十五里相傳為唐時故鎮二三里外夏秋  
間晨望如城郭掩映林木蒼鬱日出即不見歲約數次  
汶上縣西南周三十里每秋水泛溢一望無際遙視村落如烟

述鄭公校錄本

波杳靄中又常有城樓人馬之狀出于水上謂之水市闕亭在  
南旺湖中水際時見烟雲樓臺之狀

靈璧縣沫濤湖天色晦暝之際隱隱有城郭狀

霍丘縣大業陂天晴日霽陂中或見城郭之影

東阿縣桃城舖之旁一丘高可數畝每陰雨後烟霧中隱隱有  
市井車馬之形

嘉靖二十年景州城東八里鋪平原曠濶每晨日出之時望見  
城郭巍然樓櫓俱備日高而沒不知何祥古書云曠野之氣成  
城郭江湖之氣成樓臺或者此與景州志

弘光元年正月十一日午刻河寧滎澤縣東幸三十里郭村忽  
現大城雉堞樓櫓畢具南北人共見而駭之總督張縉彥以聞



謂天官書廣漠之氣成城郭今河南范無人影誠廣漠之氣也  
邸報

鉅鹿縣北十里許古鉅鹿之故址也今廢相傳侵晨霧露時城  
之規模隱隱可見良久乃滅

### 海市

海市見于登萊然不獨登萊也凡海濱皆如之入不經值故無  
得而稱焉海鹽周翁家澉浦西門外嘗曰萬曆中于葫蘆山觀  
劇忽海上現城郭樓臺女牆內行人如織或自戴或荷蓋可二  
十刻頽其一隅餘漸淪沒

浙江觀察中年張天札石平嘗行部海鹽登城樓望見海中有  
浮屠高三十仞白雲滿之從之初謂絕島所未有之奇也已而

述鄭公校錄本

石塘闕沸人皆步且呼曰海市矣海市矣未幾赤壁轟起甃城  
剝落若堵墻少間色變白危樓數十間涌出其際窻櫺玲瓏金  
碧如畫忽蒼烟飛來複閣盡沒而修竹萬叢松柏槎枒層城睥  
睨橫亘異狀烟尽樓脊盡出頓還舊觀乃其長橋出于水上隱  
隱歷歷車馬無散樓舡旗幟似有人隊介而立其餘若鼎若錯  
者幡蓋者盃盃槍者目之所接手之所指蓋不可勝數而又  
倏忽盡矣平石為吳太史駿公述之見太史記中

嘉靖四年四月二十三日福寧州海中浮來五山自筆架山外  
而至峰巒突兀上有草木人馬往來貿易闔城聚觀自午踰申  
乃沒蓋海市也

### 劉炳文海舟紀程

東林雜俎 義集

名勝

七二



萬曆乙未浙帥劉炳文提舟師從海道趨登州倭四閱月始至紀云乙未上元從台州開帆百里至金鰲山高宗南渡避金處也歷老鼠嶼出琛門風適猛烈兩礁夾起東西磯牛頭聖堂兩門尤為險阻而五嶼羊蕪昏山黃珠茶盤兩山皆四面峻利搃莫繫泊飄逐空洋夜半颶發船各渙散詰旦于靈門山聚合出金窟門因潮浮至箬竿山復依南田嶼夜觸韭山船多破損收回五爪山修船至點燈礁犯及亂礁洋為藏龍<sub>墩</sub>爾驚觸震蕩翻激水赤天昏龍鬚捲水至半空而倒瀉船皆碎毀幾為魚鱉出白馬礁過大漠坑依險而泊由浪槽頭轉厯升羅嶼得登普陀山傍倚金鉢孟儼然峙焉出此渡橫水洋入五爪湖移住廟子湖隨風逐浪直蹴陳錢山其下有大毒信宿而往面顏尽

述鄭公校錄本

變且多患瘡疾及下八山浪峒馬蹟李壻畧奔皆沙石亂列其水有祿有黑有沒有幸有苦有臭有清徹見底鰕魚可數有淺灘如湖蛟龍鱗角顯著俄為颶風打出窮洋直抵倭國五島山轉經漁山假泊沙侯風息驅灘山過鼠狼湖及上川下川鷹巢頭諸山再入西洋嶼則謂之落捺船凡撒入十無一回乃乘颶西逐洋山上有聖姑礁盤礴巍峩如宛裝砌許山聯脉金山衛其柘林乍浦澈浦延袤千餘里又皆控扼三吳者也復順流而東七了諸港岐分錯雜窒碍莫前崇明縣孤懸海外而大陰新安諸沙生聚甚夥福山直對三片沙傍通揚子江與狼山相望若東洲河七星港暨河山黃涇河不下十餘口海潮灌浸直達維揚轉而西行有三槿大橫深泮非予四口張大方樓漚水姜



系掘卷五港一望無山其川山窪川漁窪三塞窪狂瀾澎湃殊  
甚險剝水紋斑斕因號虎瀾水僅得開山無嶼可泊至射陽湖  
之雲梯閔宿焉適及風解纜自辰至申泫々頽波盡日無際漏  
下三鼓得抵鷺山之灣問其程則餘五百里越明日朔風奔帆  
踴躍碧虛蹀躞于黃混水號曰望昊洋依凭延真島此皆從來  
人跡不到之鄉但見靈鰈老黿三五噴沫相逐大者方丈高厚  
六尺殼背亂纓長目虎口就磯舒伏迤邐于白山高公諸島登  
竹島之巔四顧寥廓惟東海所城甚迤其夜三面受風避入杜  
林山因陟雲臺山古三元修道上昇處也朔日西北作雲東牽  
吼風巨浪掀翻桅檣斷折凡三日夜不知疾行幾千里膠蕩汙  
呷風雖少平餘波尤湧東方既白迸崖滴水之灣隸山東境上

述鄭公校錄本

矣去安東衛僅百里須臾潮至開行二三日海天一色並無嶼  
嶼可以停舟野宿洋飄如浮萍無定泊我堂山至柘溝塔埠杜  
家港諸洋越日入膠港補繕壞船過東島依田橫島夜泊福山島  
而山若有神上無草木中無洞穴悲鳴有聲朔日至州島嘴去  
大嵩三五十里風濕湍漫海面愈賒僅有巨高島棘箬島靈井  
山依傍海陽所具咫尺莫能躋焉夜將半犁入魚網上探水不  
過十餘丈乃莫耶島也與遼東連界海運所經故道至聿青島  
明光山不半潮已達塔島覓泉取水相望佛山濤沫灑洒宛如  
一挂珠簾頃刻抵渚里去查山僅幾里上有古跡路甚崎嶇附  
葛扳藤一步一蹶得造其絕頂焉其上復有南天門巉岿秀拔  
凌接雲際東隈一洞幽雅修潔昔王陽真人煇煉于此騎白鶴



飛昇有雲光宮在焉傍多山茶名子心香馥散人丹井碧泉崢  
嶸犄角天然雲房石室也登舟行于馬大嘴見一巨魚橫于亂  
礁上長百餘丈其脊如山口濶無鱗令刃其脊搃數百人僅開  
一肋肉不堪煮烹可熬油揀骨一節計千餘斤而肉內小刺六  
逾尋丈潮回日落携刺數根而西遇颶風至寧津所成卒蕭條  
烟火不過百餘家西有岩石參差十餘里乃西楊舍人之墓每  
每作崇覆而翻雲秋則遠去掠人田禾春夏于此妖劫過舡振  
舵放舟越三百里遙望大洋突起數丈如銀砌玉裝近如噴雪  
飾粉俗呼為白蓬頭者是也其山脉綿亘暗藏水底密邇成山  
鬱嶺幾百里皆雄崖劔峰萬里海濤衝注會集秦始皇造石橋  
渡海觀日神人驅石鞭之見血至今山石皆紅內有成山衛出

述鄭益校錄本

此險道洩：宵行至威清衛所開泊劉公泊其島尚有居址似  
舊有遠人在焉不移時入大空島：多浮石即頑鈍砥硤浮石  
不沉轉入寧海州外洋盤旋落子窩之裡若清泉寨奇山所又  
其扞屏遞過福山縣入龍山港至栲栳島乃雲晴水止轉泊八  
角山則見斜曛凝耀磯嶼烟籠始若樓臺錯列繼若城郭周圍  
俄而人馬縱橫又俄而旂幟掩映出沒無定交換不常或告曰  
此海市也旁有長山島有黑島上多巨蛇產金沙少選抵蓬萊  
閣矣自浙適齊計日四越月計程七千里由浙江達直隸延袤  
二千七百里直自直隸金山衛抵東海所計一千八百里自東  
海抵登萊計二千四百里 謝肇淛刪畧

古赤壁



古赤壁嘉魚縣北六七十里赭石雄峙即周瑜破曹虜獲暨時  
得遺鏃沙礫間北岫烏林曹所戍守也懸岸纜額蘓子瞻署之  
曰赤壁其左就湮僅見與弟字嘉靖辛亥華亭莫如忠登其上  
記曰長公于鏃石稱與弟云者固嘗借子由來表赤壁所在章  
矣而賦作于黃州要以即事寓言不害為情之所託俟好古者  
之自定也

物產

五方之產名山多金玉嶺表多璣翠玳瑁豫章多漆荆幸多丹  
銀齒草青齋多魚鹽

金北宋時州郡金冶十一

銀北宋時產銀之監三冶場天下八十四

述鄭公校錄本

銅山四百六十七宋銅場三十五

鐵山三千六百六十宋鐵務二十

宋錫場三十六



述鄭公校錄本



